

金史紀事本末

金史紀事本末卷四十三

贈封資政大夫 特賞內閣中書前江西峽江訓導萍鄉李有棠編纂

封建九公

宣宗興定四年春二月封經畧使王福等九人爲郡

公皆兼宣撫使便宜行事

攷異薛應旂通鑑續綱目均作四月事

初貞

祐四年右司諫珠嘉濟敦

原作尤里直敦

乞封建河朔詔尙

書省議事寢不行興定三年太原不守河北州縣不

能自立集百官議翰林承旨圖克坦鎬等十有六人

謂制兵有三戰和守今欲戰則兵力不足欲和則彼

不肯從唯有守耳河北州郡旣殘破不可一概守宜

取願徙者屯河南陝西否則許推其長保聚險阻刑

部侍郎鄂屯哈斯罕

原作與屯  
胡撤合

三人曰宜令諸郡選

才幹衆所推服能糾衆遷徙者願之河南或晉安河

中及諸險隘量給之食授田耕墾置僑治官撫循之

壯者教之戰陣勅晉安河中守臣檄石嵐汾霍之兵

以謀恢復莫大之便兵部尙書烏凌阿

原作烏  
林答

與二

十一人曰河朔諸州親民掌兵之職擇土人嘗居官

有材畧者授之急則走險暇則耕種宣檄使伊喇光

祖等三人曰太原雖暫失亦可復當募士人威望服

衆者假以方面重權能復一道卽以本道總管授之

能悍州郡卽以長佐授之必能各保一方使百姓復業提點尙食局舒穆魯請以高爵募民畧同光祖議宰臣欲置公府帝意未決中丞完顏伯嘉曰宋以虛名致李全遂有山東實地苟能統眾守土雖三公亦何惜焉帝曰他日事定公府毋乃多乎伯嘉曰若事定以三公就節鎮何不可者計乃定

攷異明陳仁錫謂卽漢高捐關

東使布越三人人自爲戰之計詳見舊道濶傳宜宗紀未載

至是封滄州經畧使

王福爲滄海公以清滄觀州鹽山無棣

二縣名均隸滄州東

陵東光甯津吳橋將陵阜城

六縣名均隸景州屬河間府

蓿縣

屬冀

州隸焉河間路招撫伊喇重嘉努

原作移刺衆家奴攷異卷一百十三

白撒傳正大九年北軍為河間公以獻蠡地理志云

將田家奴另一人壽縣縣二蠡州宋安深州河間肅寧二縣名均安平

永寧州治博野武強饒陽三縣名均六家莊郎山寨隸焉真定經畧

使武仙為恒山公以中山真定府沃地理志云沃州

為趙州後仍舊縣七攷異續通考云宋為慶源府金改

天會中改趙州領縣七平棘臨城高邑贊皇寧晉相

平鄉隆冀威鎮寧平定州抱犢寨樂城縣名屬南宮縣

屬冀隸焉中都東路經畧使張甫為高陽公以雄莫

霸州高陽屬安信安文安大成保定四縣名靜海縣

屬河間府寶坻武清二縣名安次縣屬大隸焉中都西路

經畧使靖安民為易水公以涿易安肅舊為州今為

政異續通考云本易州有戎鎮地宋建安肅州又爲縣天會中升爲徐州天德中改今名領安肅一縣

保州君氏川季鹿三保河北江礮山寨青白口朝天

寨水谷懽谷東安寨隸焉

政異方輿紀要云礮山在保安州西南百二十里有

南北二口出白綠礮凉水出焉唐置礮山縣金末建爲寨君氏川以下其地皆在州境

遼州從

宜郭文振爲晉陽公河北東路皆隸焉平陽招撫使

胡天作爲平陽公以平陽晉陽府陞吉州隸焉昭義

節度使完顏開爲上黨公以澤潞沁州隸焉山東安

撫副使燕寧爲東莒公益都府路皆隸焉總帥本路

兵馬署置官吏賦斂賞罰得以便宜行之除已畫定

所管州縣外如能收復隣近州縣亦聽管屬同時九

府財富兵強唯武仙耳 武仙威州人嘗為道士初

率鄉民保威州西山權刺史興定元年破石海命即

真遷知真定府累官中京留守權右都監封恒山公

四年叛降元攷異續通考云金玉妻寓晉人玉署元帥府監軍時武仙叛遣人齎誥命誘玉

妻妻拒曰妾豈可使夫懷二心於國副史天倪治真

家耶仙怒聞之數匪殺其子寧壽定仙兄貴為安國節度使史天祥擊之亦降元仙治

真定六年與天倪積不相能宣宗遣謀招之遂於哀

宗正天二年殺天倪攷異畢沅續通鑑云即元太祖二十年而姚燧牧菴集撰史公

神道碑誤復以真定來降為元將薩納台原作笑乃

作十年史本傳作實訥台云與天澤合兵取真定及復叛又

取之遣弟賽罕殺仙弟於紫荆關俘其妻子而還後

斬仙將盧治中圍所擊乃奔汴攷異元史太祖紀云

仙於雙門仙遁走二月仙殺天倪以真

定叛三月天澤擊仙走之復真定據王惲秋澗集撰

天澤家傳則復真定在六月而薛應旂通鑑繫之正

月誤也方輿紀要云時武仙置抱犢砦據以自守天

澤屯真定以高公抱犢諸砦為仙巢穴攻破之寨在

獲鹿縣五年哀宗召見復封爵置府衛州七年圍上

西八里五年哀宗召見復封爵置府衛州七年圍上

黨聞元兵攻衛州退還詔平章哈達原作合達及布哈原作

阿一作胡救之徙仙兵屯胡嶺一作胡陵關扼金州路八年元兵

涉襄漢哈達布哈駐鄧州仙由荊子口引兵會天興

元年正月布哈兵敗於三峰山仙由密縣屬禹州隸

走南陽收潰軍得十萬屯留山立官府聚糧繕器兵

勢復振攷異宏簡錄云仙從四十騎趨御三月汴京

勢復振寨不納乃舍騎登嵩山絕頂得免

勢復振寨不納乃舍騎登嵩山絕頂得免

勢復振寨不納乃舍騎登嵩山絕頂得免

勢復振寨不納乃舍騎登嵩山絕頂得免



被圍拜仙參政兼樞副合色一作錫林攻異宏簡錄作思烈丞相襄子

由提點近侍局遷都點檢權參政行省鄧州兵敗降中京留守元兵圍之不下崔立使其子脅降射之俄

聞立叛恚病數日卒兵入援八月至密縣遇元蘇布特原作速不解

兵即按軍眉山店勸色將阻澗結營與俱進不聽先

至京水兵潰仙還軍留山召入衛不果仙與總領洪

果薩哈有怨薩哈降元攻異宏簡錄作黃摑三合云思烈承制授宣差總領五朵

山一帶行元帥府仙惡其詐以書約取裕州續通考云唐初

權盛改爲征行元帥遂怨置北澧州又改魯州州屬唐州今仙至與元兵夾擊

升爲裕州領縣三方城舞陽葉縣敗仙於柳河仙逃走聖朶寨攻異宏簡錄云仙敗責

防禦使李天祥令總領楊全斌械之會赦得釋與楊全斌俱降宋時哀宗走歸德使

修撰魏璠

字邦彥渾源人貞祐二年進士後爲元間世祖徵至和林卒諡靖肅見續通考

道召仙不赴璠責之幾被殺尋以軍乏食徙鄧州總

帥伊喇瑗

本名聶赫一作粘合字廷玉

畏其逼以女妻之乃還順

陽

故城在浙川縣東北三十里

瑗舉城降宋疽發背死仙爲宋將

孟珙所襲擊敗珙兵生擒其統制數十獲馬千餘

異攷

宋史孟珙傳時仙爲珙敗於順陽退保馬蹬山珙用降將劉儀計追擊敗之降其衆七萬山在內鄉縣西

南百八十里史未載仙懼復來徙浙川

縣名在鄧州西南百二十里

之石穴

迨哀宗走蔡州遣近侍烏頁

原作兀顏

責其赴難終不應

攷異哀宗紀武仙劫將士謀取宋金州至浙水軍潰尙書盧芝侍郎石玠謀歸蔡州仙追芝不及遂殺玠

玠字子堅河中人進士爲汝州防禦行侍郎芝字廷瑞河東人任子補官以西安節度行尙書仙追不及

走至南陽為土賊沒見宏簡錄俄至黑谷泊進退失據蔡州破糧盡

軍散從十八人北行渡河為澤州戍兵所殺攻異劉

志云李汾字長源太原人仙辟掌書記國亡汾勸仙

歸宋為仙麾下害史稱仙與思烈不合懼汾欲除之

汾覺遁泌陽令王德追獲之絕食卒未言被害事元

好問中州集元光末用薦得從事史館與雷李忤坐

罷武仙署為講議官不合遁泌陽為所害工詩如長

河不洗中原恨趙括元非上將才三輔樓台失歸燕

上林花木怨啼鵲空餘一掬傷時淚暗墮昭陵石馬

前同輩作七言詩者皆不及也又遺山有哀李長源

詩云冀州事死東州禍李翰林亡陝府兵方為騷人

箋楚些更禁詩客墮秦坑石苞本不容孫楚黃祖安

能貸禰衡同甲四人三橫實此身雖在亦堪驚王元

粹亦有哭長源詩云十月西來始哭君山中何處有

孤墳以才見殺人皆懼忤物能全我未聞李白歌詩

堪應詔陳琳書檄偶從軍窮途無地酬知己會待昇

平緝舊文見顧

王福本河北義軍積戰功為同知

奎光金詩選

橫海節度事復濱棣二州拜滄州經畧使遷知東平

府權右都監

攻異宏簡錄云福遣張聚王進復濱棣二州以聚攝棣州防禦事進攝濱州刺史

經畧使上言乞選重臣爲使朝廷因而授之封滄

海公紅襖賊屢來犯擊却之

攻異宏簡錄云紅襖賊李二太尉寇樂陵擊敗

之寇鹽山副使張文與戰大勝擒其二統制斬首二千級樂陵縣名今屬武定州尋引宋人

入河北福嬰城固守益都張林棣州張聚日來攻掠

勢危蹙福將南奔衆止之遂降於張林 伊喇重嘉

努積戰功賜姓完顏厯河間路招撫使權右都監封

河間公興定末所部州縣皆不守移屯信安與張甫

合兵復取河間府及安蠡獻三州尋改信安爲鎮安

府與甫協力保守鎮安遂全孫汝楫楊壽袁德李成

分保外垣遂全鎮安日下舊聞考云伊喇舊作移刺

從入契姓譜改重嘉努亦作仲夾奴時奏鎮安距迎

樂垵海口二百里實遼東往來之衝高陽公甫有海

船在鎮安西北可募人直抵遼東以通中外之意賞

不重不足以使人擬應募者遷忠顯校尉仍賞錢五

千貫詔從之見本傳信安軍宋置初名破鹵軍即淤

口寨金初因之大定七年張甫初附元嗣為涿州

降為縣隸霸州見地理志

刺史李奇嚕原作所招遂與張進來降授中都路經

畧使與永定節度使賈全不協屢相攻擊會全殺甫

參議官邢璋甫力攻之全敗自縊死及奇嚕降元遂

代為中都東路經畧使權右都監封高陽公攷異宏簡錄云

元將俚若奴屢窺雄霸甫遣驍將窩羅虎假千里馬

以獻俚若奴乘間推投閣下幾斃窩羅虎復乘千里

馬以歸追者莫及按俚語若奴今譯作里齋努窩羅虎  
今譯作鄂囉呼蒙古語進也宋史云時會飲於燕京  
之大悲閣鄂囉呼醉里齋努而推使投閣仍作及伊  
醉下樓乘馬歸甫人服甫之用間焉所載各異

喇重嘉努不能守河間甫居之信安卒全其城元史

張禧傳張仁義金末徙家益都元太宗下山東仁義  
乃走信安時燕薊已下獨信安猶爲金守其主將知  
仁義勇而有謀用之左右國兵圍信安仁義率敢死  
士三百開門出戰圍解以功署軍馬總管府守信安  
踰十年度不能支乃與主將舉城降又楊傑珠格傳  
從額蘇倫攻信安信安城四面阻水其帥張進數月  
不降傑珠格曰彼恃巨浸我師進不得利退不得歸  
不若往說之凡三往乃降按珠格蒙古語聞散也舊  
作只哥額蘇倫蒙古語和賜姓完顏進亦擢左監軍  
也舊作阿朮魯今俱譯改賜姓完顏進亦擢左監軍  
賜國姓攷異趙翼劄記云賜姓始於漢高祖賜項伯  
賜本國大姓者如東永昌賜姓溫都氏包世顯包長  
壽包疙疸賜姓烏庫哩氏多隆烏賜姓哈薩喇氏何

定賜姓必喇氏馬福德馬栢壽賜姓瓜爾嘉氏楊沃  
衍賜姓烏凌阿氏資祿賜姓女奚烈氏李辛賜姓溫  
澈氏是也其功多勢大者竟賜國姓如郭仲元郭阿  
隣李霆梁佐李咬住國用安張甫等皆賜姓完顏氏  
是也其附入屬籍又有差等以千人敗敵三千者賜  
及總麻以上敗二千人者賜及大功以上敗千人者  
賜止其家靖安民德興府永興縣人初充義軍隸苗道

潤歷安武節度使知德興府中都西路招撫使道潤  
死與李奇嚕分領其眾權左監軍行帥府事安民上  
書言經畧使劉鐸嫉道潤功反間賈瑀李琛殺道潤  
鐸亦訐奏安民擅殺杜貴事召鐸還封安民易水公  
安民出兵至礮山復取擔車寨在保安州西南元兵乘虛襲  
之提控馬豹以其妻子老弱降安民及經歷郝端還

穎遂遇害贈金紫光祿大夫 郭文振字拯之太原

人由進士歷遼州刺史深得衆心擢中都副留守權

左都監行帥府事與張開合兵復取太原封晉陽公

尋以轄境遼濶請命葭州刺史瓜爾佳芬徹

原作古里甲蒲

察分治嵐管以西諸州制可上書乞遣前平章晉鼎

行省河北諸公府帥府并聽節度以圖恢復不報詔

文振應援史詠復河東未幾遼州不守徙其軍於孟

州復徙衛州然亦不能軍寄寓而已 胡天作字景

山管州

地理志云本宋冠州靜樂郡

人初以鄉兵守本州爲刺史

改同知平陽府復平陽克招撫使權左都監封平陽



公守凡四年屢有功錄其子定格爲奉職未幾青龍堡危急詔遣瓜爾佳實倫會郭文振張開兵救之次

彈平寨知府事珠格和索哩

原作尤虎忽失來

等降元以兵

臨城索其妻子天作被執

攷異史繫於元光元年十月而元史穆呼哩傳繫之

七月嗣受官爵招撫懷孟其子定格聞之自經死贈信

武將軍天作後謀脫走爲元殺宣宗以史詠權平陽

公府事徙軍河中府當平陽初破詠父祚母蕭氏妻

梗氏皆殉難

張開景州人初團結鄉兵爲固守計

厯青州防禦副使同知觀州事復河間府及滄獻二

州十三縣復青州加經畧使賜國姓俄潼關不守召

入衛累官潞州安撫使林州元帥府擢左都監與郭

文振共復太原封上黨公復取高平縣屬澤州及澤州

大戰壺關縣名在今潞安府東二十五里有功正大間潞州失守開

居南京部曲離散天興初起復與劉益爲西面元帥

領兵攻衛州敗於白公廟時哀宗走歸德開與劉益

謀收潰兵從衛不果遂與承裔西走皆爲民家所殺

燕寧初爲葑州提控守天勝寨與益都田琢東平

蒙古綱相依爲輔車之勢山東倚三人爲重寧擊敗

紅襖賊五公喜兵復沂州招撫胡七胡八引爲腹心

累官山東安撫副使封東莒公與蒙古綱王庭玉保

全東平加金紫光祿大夫還軍天勝戰死詔贈祖父  
母父母官族屬五十餘人皆廩給之自益都張林逐  
田琢繼而甯死蒙古綱勢孤徙邳州而山東不復能  
守矣攷異史傳贊云苗道潤死靖安民與張甫中分  
其地然無北境矣大凡九公封建宣宗實錄所  
載如此他書載滄海公張進晉陽公郭棟此必正大間  
作移刺中哥易水公張進晉陽公郭棟此必正大間  
繼封如史記繼胡天作者然不可攷矣趙翼劄記云  
九公之外又有十郡王之封十郡王者李德明封仙  
張瑀張左早翼康琮杜政吳歪頭王德全劉安國也  
十人皆無傳惟德全安國封仙杜政畧見國安用傳  
中大抵皆安用部曲  
無功績可紀者也

金史紀事本末卷四十四

賜封資政大夫 特賞內閣中書前江西峽江訓導萍鄉李有棠編纂

宋人構怨

宣宗貞祐元年秋閏九月辛未遣使如宋

攷異交聘表使奉國

上將軍烏陵阿與戶部侍郎高霖爲報論宋使十一月宋賀正使入境有期以大兵在近姑停之令有同

移報宣宗紀未載

二年春正月辛未宋人攻秦州統軍使舒穆魯仲溫

擊卻之

攷異交聘表正月丁丑宋刑部尙書眞德秀等賀卽位駐境上以中都被圍諭罷之紀未

載而表亦未書宋攻秦州事所載各異

三年春正月辛酉朔宋使來賀癸亥曲宴宋使

攷異交聘

表正使為顯謨閣學士聶子述副  
使廣州觀察使周師銳紀未載  
三月壬申宋使賀

長春節

改異正使為顯謨閣學士丁焞副使和州觀  
察使侯忠信是月丙子宋使朝辭因言宋帝

請減歲幣如大定例帝以本自稱賀  
不宜別有所請諭解之紀均未載

冬十一月戊

午詔以王世安為安撫使樞密院進世安取盱眙名

州屬泗之策命與泗州帥府所遣人同往計度其事南

侵之議自此始

改異交聘表九月己巳遣左諫議大

賀宋生日十一月庚辰遣都指揮使富察烏錦禮部

侍郎楊雲翼賀宋正旦宋使來賀不宜輟朝不舉樂服色

寅書禮部奏正旦宋使來賀不宜輟朝不舉樂服色

如常儀交聘表又未載續綱目云寧宗嘉定七年五

月起居舍人真德秀上書請絕歲幣帝從之蓋貞祐

二年也明年以德秀為江東轉運副使朝辭先言十

失後奏五事宗社之恥不可忘比隣之道不可輕幸

安之謀不可恃導諛之言不可聽至公之論不可忽

反復切至宋史五月作七月畢沅續通鑑云宋歲幣  
蓋因德秀之言而議罷至喬行簡言之始改計耳故  
今歲十二月明年正月十二月尚遣使也至馮璧傳  
云貞祐四年宋拒使者於淮上遣兵南侵而宣宗紀  
及交聘表四年皆書宋遣使來賀并無拒使事係誤  
德秀字景元浦城人官參政諡文忠李心傳朝野雜  
記云衛王允濟立辛未秋朝廷余郎中嶸北使賀萬  
秋節而燕京被圍不暇延使者嶸至涿州還癸酉秋  
衛王被弑鄧王珣立董舍人居誼賀生辰至沃州還  
繼而賀登極眞舍人德秀賀正李舍人璵均抵盱眙  
金皆不克迂謀者言金  
有內難朝議紛然矣

四年春三月丙寅宋使賀長春節

攷異交聘表正月己卯朔宋試工部

尚書施果廣州觀察使陳萬春賀正旦三月甲子宋  
華文閣學士留筠宜州觀察使師亮賀長春節紀未  
書正旦使事而長春  
節又未書使者姓名秋九月壬辰遣中衛尉完顏

諾爾布

原作奴婢

賀宋生日冬十一月甲辰遣工部侍郎

和尙賀宋正旦

攷異交聘表生日副使爲少詹事納塔謀嘉正旦副使爲右司郎中布薩

殺夫紀均失書

興定元年春正月己卯朔宋遣使來賀

攷異交聘表正使爲煥章

閣學士陳伯震副使福州觀察使霍義紀未列使名癸未宋使朝辭帝謂宰臣

曰聞息州南境有盜此乃彼界饑民沿淮爲亂耳宋

人何故攻我高琪請伐之以廣疆土帝曰朕意不然

但能守祖宗所付足矣安事外討三月庚寅宋使賀

長春節

攷異交聘表繫之三月己丑正使爲試工部尙書錢撫副使潭州觀察使馮炳紀未列使

名

夏四月丁未朔以宋歲幣不至命烏庫哩慶壽

完顏薩布

原作賽不

等經畧南邊甲子薩布奏敗宋兵於

州名屬汝寧府攷異續通考云唐初爲申州又攷義陽郡宋爲信陽軍元升爲府領羅山信陽

斬首八千生擒統制周光及隴山

東等處前後六戰俘馘甚衆復遣兵渡淮畧中渡店

拔光山羅山定城等縣破光州兩邑斬首萬餘級宋史

地理志光山定城均屬光州羅山屬信陽軍均縣

光州府定城廐今爲光州治攷異輿地志

江夏鄱州魏分並代陽郡梁兼置光州舊曰光州又爲

弋陽郡今因之縣四定城固始光山仙居薛應旂通

鑑云金渡淮犯光州中渡鎮執權場官盛允升殺之

大農故壽分國兵兩冠樊城圍索陽光化軍別遣完顏阿隣入

阿力 薛郎 郭西 阿林 以附 功賜 州國 宋計 姓趙 方李 五瑄 李董 居詠 衡衡 之之

字彥直衛山人贈太師諡忠肅  
五月癸巳宋人攻

潁州焚掠而去遂取漣水縣戊戌行樞院兵敗宋人



於泥河灣及樊城

在襄陽府城北漢江上與府城對峙

時攷異續綱目云五月金犯襄陽

仍增戍光化信陽均州金兵至再興陳祥孟宗政等禦之

以待及戰再興中出一陣復卻金人逐之宗政與祥

分左右翼掩擊大敗之屍骸枕藉山谷間尋報棗陽

圍急宗政午發峴首遲明即至金人駭遁方聞捷大

喜以宗政權知棗陽軍未幾京湖將王辛劉世英亦

敗金兵於光山隨州宋史甯宗紀王辛敗金人於安

昌砦殺其統軍完顏掩金兵遁去徐州光化皆以捷

聞史均未載再興字叔起淮人

宗政字德夫絳州人官防禦使

六月丙辰宋人合土

寇攻東海境詔諭沿邊罪宋

攻異薛應旂通鑑云時

畧曰朕勵精更化一意息民犬戎跨我中原天厭久

矣狐兔失其故穴人競逐之豈不知機會可乘仇恥

未復念甫申於信誓實重起於爭端若能立非常之

勲則亦有不次之賞遂傳檄詔諭中原官吏軍民南

宋書作蠶食快其所求鵲

巢徵其將覆所載稍殊

秋七月辛巳宋人圍泗州

及靈璧縣乙酉襲破東海縣復合土寇攻海州經畧

使擊破之八月己酉海州軍敗宋人於石湫南及漣

水縣中土橋癸丑宋兵攻確山縣敗之王戌經畧使

阿布哈努色爾

原作阿不罕奴失刺

敗宋軍於海州境提控李

元亦屢敗宋兵多所俘獲九月己卯蔡州帥府誘宋

人侵息州邀擊之虜其將沈俊冬十月壬戌右司

諫許古上疏請先遣使與宋議和高汝礪言和議先

發於我恐自示弱非便帝命古草通和諜宰臣以其

言有所哀意無足取議遂寢十一月丁酉詔唐鄧蔡

州諸帥府舉兵侵宋十二月甲寅提控韓璧敗宋人

於鹽倉權右都監高閭山敗宋兵於吳寨谷改知平

涼府

改異完顏閭山傳蓋州人明昌二年進士知鳳翔府權右都監宋兵千餘伏吳寨谷閭山率騎

掩擊

敗之殺三百獲牛羊千計改知平涼召爲吏部

尙書

行晉安帥府卒紀作高閭山疑誤又宣宗紀貞

祐二年冬殉難懿州節度高閭山卷七十三單州節

宗雄

傳海陵時牌印亦名閭山均另一人

度使郭仲元敗宋人於龜山在盱眙縣東及盱眙元

傳中都人官兵部尙書右監軍知鳳翔府賜國姓爲

南渡名將興定元年宋人圍海州仲元軍高橋令提

控阿林領騎絕出其後來擊之宋兵解去攷異薛應

旂通鑑云時完顏贊犯四川追狄池堡破天水軍守

臣黃炎孫遁攻白環堡破之進逼黃牛

堡統制劉雄棄大散關遁史均未載

二年春正月壬午宋人攻淮北唐州帥府敗之獲統

領季雄韜陳臯以歸癸未近侍局副使額爾克報南

師之捷戊子唐鄧元帥薩布連報攻宋捷宋人攻泗

州又戰却之時宋兵萬餘攻泗州赫舍哩約赫德原作

牙吾赴援至臨淮殺宋卒三百進破宋兵八千於城

下圍盱眙敗宋援兵斬首千餘溺死無算俘獲千計

又破宋師於蓮塘攷異馮璧傳是役也宋堅壁不戰

節制詔璧佩金符鞫之紀及約赫德傳均未載宋史

甯宗紀正月金犯隔芽關興元都統李貴遁官軍大

潰紀亦元帥薩布敗宋人於鐵山及上舍店唐縣屬

陽二月癸卯宋人攻青口行樞院遣兵敗之丙午額

爾克敗宋人於防山赫舍哩和勒端原作桓端攷異

名錄云亦作喚端卷一百七張行信傳大定二年平

涼府判官姓烏古論氏卷一百十一古里甲石倫傳

興定三年石州同知卷一百十三賽不傳天興二年  
都尉姓尼麗古氏卷一百十九婁室傳天興三年  
親府同簽又本卷仲德傳天興三年元帥又宗  
室表富勒呼子金吾衛上將軍七人同名桓端奏光  
州信陽捷庚戌海州經畧敗宋兵於胸山縣名屬海州表

請繼其軍儲詔東平帥府發兵護資糧應之王子薩

布攻棗陽敗宋兵三萬薄城壕殺及溺死者三千遂

圍之宋騎兵千步卒萬來援復大敗之攷異續綱目云時孟宗政

權棗陽築隄積水修治城堞簡閱軍士至是薩布率

步騎圍城宗政與扈再興拒守歷三月大小七十餘

戰金兵輒敗忿甚圍城開壕控兵列壕外宗政募壯

士突擊金人不能支盛兵薄城宗政隨方力拒隨州

守許國援師至白水鼓聲相聞宗政率諸將出戰金

人奔潰與紀異大金國志云時游騎至漢上均州守

應謙之棄城癸丑郭阿林敗宋兵於阜郊堡在今秦

走史亦未載

三十擒其將吳筠及將校二百致異宋史寧宗紀二

州都統王大節馬蹶死於河池丙午金克阜郊堡宋

丙嘗納夏人合從之請會師攻秦復破之於裴家莊

六谷中及寒山嶺龍門關大石渡稍子嶺俘獲甚眾

已而兵敗死之事聞贈西京留守本傳姓郭以功賜

州防禦使改清州山東西路宣撫使攻異裴家莊等

處之捷宣宗紀額爾克事云得粟二千石所載各

異薛應旂通鑑云利州都統王逸率兵十萬復大散

關及阜郊堡斬金統軍完顏贊進攻秦州至赤谷口

汚州都統劉昌祖命退師且散忠義人遂大潰宋史

地理志利州為益州郡甯武軍縣四汚州順政郡縣  
二所載勝敗互異宋史甯宗紀時鎮丁巳壽州行樞  
江忠義都統制彭惟誠等敗於泗州  
院敗宋人於高柳橋水砦夷其砦而還壬戌額爾克

遣兵拔宋寨基盤嶺約赫德破宋人於盱眙軍三月

癸未額爾克敗宋人於光化軍

與地廣記云春秋屬楚二漢屬南陽郡西

魏置鄴城郡今爲光化軍治乾德

表言國兵自桐栢

縣名屬唐州

入宋境

所向克捷

攷異大金國志云宋楚州鈐轄梁昭祖掩擊金師都統沈鐸遣兵助之金人不勝糧

舟被焚紀未載

夏四月丁未鞏州行省承裔

一名博索

敗宋人於

阜郊堡丁巳陝西行省兵破宋雞公山取和州成州

至河池縣黑谷關守者皆遁前後獲糧九萬斛錢數

千萬軍實不可勝計

攷異薛應旂通鑑云四月金攻阜郊堡趨西和州劉昌祖焚城

遁還守臣楊克家及成州守羅仲甲階州守侯頤皆棄城走金入諸州犯大散關守將黃立遁犯黃牛堡

興元都統吳政拒却之政至大散關斬立以徇事聞政進三官昌祖竄韶州克家等皆遠竄所載較詳

丁卯臨洮路奏敗宋人之捷五月辛未朔鳳翔元帥

完顏闡山破宋人於部落塌香爐堡諸屯丙戌承裔

遣提控烏庫哩長壽出鹽川鎮即今鞏昌府漳縣治納喇吉遜

出鐵城堡在岷州境屬熙河路所向皆捷辛卯壽州行樞院兵

敗宋人於史河在霍邱縣北冬十月甲寅宋人攻漣水

縣提控劉瑛敗之十二月甲寅以開封治中呂子

羽攷異元好問中州集字唐卿大興人大定末進士仕至陳州防禦使元光末為酷吏所誣以乏軍興

繫獄北赦至先自縊死後復官雷希顏為制辭曰毀譽之來在仁賢而不免是非之論至久遠而乃公人

謂唐卿無愧屏山故人外傳呂氏凡中第者六以六桂名其堂貞幹字周卿著竭石志數十萬言皆近代

事幽隱譎怪無所不有在史館論正統謂國等使宋朝祇當承遼章廟怒謫西京運幕餘均名士

金史紀事本末 卷四十四 二



合身...  
講和攷異交聘表時朝議乘勝與宋講和以子羽及南京轉運副使馮璧為詳問使行至淮中流宋人拒止之自此和好遂  
絕紀繫之明年正月  
癸亥命布薩安貞權參政為

左副元帥行省帥事侵宋安貞率兵至安豐宋兵七

千拒戰完顏呼喇勒擊敗之追至淝水方輿紀要云出廬州府西

北四十里鷄鳴山分二派一入巢湖一入淮詳卷七死者二千餘至大江而還

是歲完顏霆擊敗宋兵於朐山斬高太尉彭元帥

於陳餘眾潰去逾月復至擊卻之本傳霆本姓李官至安撫使知歸德

府事

三年春正月庚午呂子羽至淮不納而還下詔南侵

攷異續綱目作去年事且云主命安貞輔太子率師南侵薛應旂通鑑云正月金冠西和州守將趙彥呐

設伏待之殲其衆乃還乙未興元都統吳政及金人  
戰於黃牛堡死之二月金攻武休關都統李貴遁還  
進破興元府權府事趙希旨棄城走遂破大安軍及  
洋州四川制置使董居誼遁沔州都統張威使石宣  
邀擊於大安軍大破之殲其精兵三千俘其將巴土  
魯安金人遁續綱目又云金入洋州守臣蔡晉卿拒  
之不克城陷金焚之而去居誼自利州還詔竄永州  
以聶子述代宣宗紀取武休在二月取興元洋州在  
三月餘均未載鳳翔府志云武休關在鳳縣南二百  
三十里接褒城界今置武關驛王存元豐九域志云  
梁泉有武休鎮祝穆方輿勝覽云褒斜谷旁連武休  
關極東爲饒風關異時獨倚饒風以控商虢由武休  
以達長安故當關爲蜀之咽喉宜嚴其備宋史地理  
志云大安軍本三泉縣屬興元府永州寧陵郡縣三  
二月庚子約赫德敗宋人於滁州乙巳攻宋光山縣  
俘其統制蔡從定等光州以兵來援復敗之戊申拔  
小江寨殺其統制王大蓬斬三萬俘萬餘復取武休

金史卷之四十一

關攷異約赫德傳正月敗宋人於濠州之香山村二

百糧萬斛大金國志云克鳳州守臣雷帝曰頃近侍

雲走夷其族復攻武休關破之紀未載還自陝西謂博索

原作白撒即承裔見上

已得鳳州如得武休

關將遂取蜀朕意不然假令得之亦何可守此舉特

為宋人渝盟初豈貪其土地耶朕重惜生靈惟和議

早成為佳爾己未行省安貞入宋境破梁縣屬廬州等

軍擒統制李申之右副元帥薩布左都監約赫德奏

白石關平山砦之捷攷異薛應旂通鑑云二月金完

許國扈再興兵三萬分二道攻唐鄧擣其虛子范監

軍葵為殿訛可百計攻城宗政隨機守禦殺傷甚眾

金兵頓城下八十餘日會國等攻唐鄧大勝引軍還

戰殺金兵三萬訛可單騎遁俘獲無算追至鄧州而

還金自是不復窺襄漢遺民歸者萬數籍勇壯號忠  
義軍宗政威振境外金呼爲孟爺宣宗紀未書趙翼  
劄記云宋本紀嘉定十二年書金帥訛可攻棗陽孟  
宗政傳亦書訛可棗陽敗歸之事而訛可傳轉不載  
何耶范字武仲三月庚午薩布敗宋人於七口倉右都  
仲葵字南仲原作合達攷異劉祁歸潛志作合打汪  
監完顏哈達輝祖金史同錄云卷九章宗明昌三  
年郊社署令姓唐括氏卷一百二十九粘割奴申傳天  
興二年陳州虎威都尉卷一百一十二粘葛貞傳貞  
祐元年恩州刺史四人同名合達又卷十三衛紹王  
大安三年西北招討使姓完顏氏卷一百二十四宣宗紀貞  
祐三年簽樞伏誅姓完顏氏卷一百三十二安貞傳大安  
三年都統姓唐括氏卷一百四十一宣宗時歸破宋人於海林關  
統姓夾谷氏卷一百四十一宣宗時歸破宋人於海林關  
德知府姓幹勒氏六人同名合打破宋人於海林關  
擒統制張時己卯提控鄂屯沃哩布原作奧登敗宋  
師於上津縣屬商軍還至濠州宋人來拒約赫德擊

走之乙酉哈達敗宋人於馬嶺堡丙戌安貞敗宋師

於石峒山及塗山哈達攻拔麻城縣屬黃州府獲其令張

倜幹辦官郭守禮薩布奪宋小口倉獲糧九千石兵

仗三十餘萬又敗其兵於老口鎮及石鵲巖是月

行省安貞入朝以南侵師還罷南邊州郡籍民爲兵

者胥鼎等遷賞有差攷異續綱目云金冠淮西圍安

之不達遂犯和州全椒來安天長六合淮南流民渡

江避亂諸城悉閉金游騎至朱石楊林渡建康大震

時賈涉以淮東提刑知楚州節制京東忠義乃遣陳

孝忠向滁州石珪夏全時青向濠州季先葛平楊德

廣繼之李全李福邀其歸路至渦口與約赫德呵哈

連戰於化湖陂殺其將數人乃解諸州之圍而去追

敗之於曹家莊金自是不敢寇淮東紀未書金兵敗

事周密齊東野語云賈涉官淮東制閫嘗清趙珙往

元軍議事歸得其大將樸鹿花所獻皇帝恭膺天命  
之寶玉璽一座并元符五年寶樣一冊及翟朝宗所  
獻寶檢一座進於朝下禮部議受寶典禮此嘉定十  
四年七月也詔文武各進秩諸軍三學並推恩按靖  
康之變金取玉寶十四去而此寶居二其一則哲宗  
元符三年製一欽宗靖康元年製也及金南遷寶玉  
多爲元取當時識者謂不宜鋪張云 夏五月乙未朔鳳翔帥府兵敗

宋人於黃牛等堡秋九月丙申唐州從宜瓜爾佳天

成敗宋人於桐栢攷異薛應旂通鑑云十二月京湖

政分三道伐金戒之曰毋深入毋攻城第償其保甲

燬其城寨空其資糧而已宋史三道作二道餘同紀

四年春正月庚戌宋步騎十餘萬圍鄧州聞援軍至

夜焚營去招撫副使珠格伊埒圖原作尤虎追及之

金史紀事本末卷四十四 十一

奪其俘還

攷異續綱目云時扈再興許國等攻唐鄧州皆不克而還孟宗政敗金人於湖陽薛

應旂通鑑作再興攻唐國攻鄧皆不克還大金國志許國誤作許因云金攻樊城爲趙方所拒史均未載

夏六月庚辰宋人方子忻來歸有司處之鄭州詔增

廩給優遇之秋七月辛卯宋人及紅襖賊犯河朔諸

郡皆降經畧王福以滄州附張林

攷異薛應旂通鑑云六月賈涉誘殺

連水忠義軍副都統季先其下推石珪爲帥以拒涉初李全自化湖陂之捷有輕諸將心以季先威望出

已上結涉吏莫覲譖先欲反涉命先赴密院議事於道殺之遣統制陳選代領先衆其部曲裴淵宋德珍

孫武正王義深張山張友六人拒不納潛迎石珪爲統帥選還涉取之分珪軍爲六命淵等分統亦不從

乃授珪統轄珪尋以入漣水非涉本心懷不安李全復請討珪遂命全移師駐楚州之南渡門而遣將招

珪軍來者增錢糧否則罷給衆心遂散珪殺淵挾武正德珍降蒙古爲元帥全求并將漣水軍涉不能却

因付之周密齊東野語云涉以先反側聞於朝赴密  
院審察甫至都門毀節馬樹冥之三茅觀後小寨命  
勇士撲殺之全愈無忌憚礎水人心不安裴淵等請  
石珪為帥制司恐令全率萬人以往全憚珪不敢動  
涉呼淵赴山陽稟議令珪密圖之會韃兵至珪自疑  
遂殺淵以歸韃先是權上書胡榘嘗言全狼子野心  
不可倚仗及全獲捷於曹家莊擒金人偽駙馬乃作  
濠梁歌以諛之趙翼劄記云先死全欲并將其軍詭  
稱其軍有三千虛籍覆之可省官費遂付以兵欲覆視  
全忽報邳州有警已遣七千人往救不果覆全往山  
東涉勸農出郊暮歸全軍在楚州者遮道不得入涉  
使人語全妻楊氏楊氏揮之退始入城見全傳令涉  
傳不載反謂全得玉璽獻於朝賞節度涉嘆曰朝廷  
但知官爵可以得其心豈知驕則至於不可救耶是  
似能駕馭羣盜者此傳必其子似道也九月壬寅宋人  
當國日史館所立元人因之不改也九月壬寅宋人  
圍阜郊堡提控完顏伊都原作益都擊敗之甲寅宋人出  
秦州會夏人來侵攻異薛應旂通鑑云時安丙遣夏  
書約夾攻九月夏遣樞密密寧子真



率衆二十萬圍鞏州安丙命諸將分道會攻城  
不克遂趨秦州夏亦退師語詳征撫西夏事中

五年春正月戊戌宋人襲泗州西城提控王祿死之

攷異續綱目云時青入泗州  
西城二月金來救青敗乃還 乙巳詔諸道兵集蔡

州侵宋二月庚辰命內族惟弼行院事於中京沃喀

哈達行帥府於蔡息納哈塔降福行院事於密州富

珠哩達哈原作李尤魯達阿完顏額珠行帥府於唐鄧 辛

未安貞以兵出息州破宋人於淨居山寺拔黃土關

癸酉約赫德攻泗州西城大破宋兵時青乘城指揮

射中其目遂拔衆南奔追擊之宋兵大潰遂復西城

進逼濠州至渦口乏糧引還三月庚寅宋人圍唐鄧

行帥事額琳力戰卻之前千戶摩囉歡自拔歸國授

同知唐州事 夏四月丙寅安貞破宋黃蘄等州前

後殺掠不可勝計俘宋宗室男女七十餘口獻於京

師安貞每獲宋壯士釋不殺無慮數萬因用其策輒

有功攻吳續綱目云金冠蘄州知州事李誠之百計

其妻子官屬皆死之金兵退扈再興邀擊於天長敗

之及渡淮北去李全又大敗之薛應旂通鑑云二月

金圍光州犯五關圍黃州分兵破諸縣別將復犯漢

陽軍三月再興攻唐州金圍黃州久詔馮榘援蘄黃

不進黃州守何大節佩郡印誓死守城陷沈江死陷

蘄州李誠之自殺家屬赴水死事聞贈誠之官立廟

不錄大節死事史官且書其棄五月戊戌宋人據楚

城遁非是誠之婺州東陽人

邱縣名屬官軍復之時宋人攻唐州守將額琳爲所

歸德軍

敗死者七百匿之以捷聞御史納蘭發其事帝以額

琳係薩布猶子不之罪錄納蘭敢言功 六月戊寅

安貞坐謀反并其三子皆伏誅 秋八月乙丑宋人

掠沈邱縣名屬順昌府殺縣令九月約赫德大敗宋人於團

山遷賞有差十一月乙未宋人攻蘄縣壬寅宋人焚

潁州執防禦判官去攷異元好問中州集宣宗頻歲南侵密縣呂大鵬作詩欲以撼

主兵者云縫掖無由挂劍衣劍花生澀馬空肥燈前草就平南策一夜江神泣涕歸大鵬字鵬舉自言係

宋申公裔史未載

元光元年春二月宋以重兵攻平輿褒信二縣名屬蔡州國

兵力戰卻之捷聞詔遣官覈實賞給己酉命額爾克

行帥府事節制三路軍馬侵宋時全行院事副之三

月辛酉宋人掠確山縣

屬蔡州

之劉村夏四月丁未行

樞院報淮南之捷五月壬戌額爾克時全軍大敗額

爾克鏐官兩階時全伏誅

改異薛應旂通鑑云時說可等由潁壽進渡淮敗宋

軍於高埭市攻固始縣破廬州將焦思忠兵俄牒言

時全姪青受宋詔拒金兵全匿其事五月說可引眾

還距淮二十里將渡全矯詔留諸軍收淮南麥舉惑

之望三日說可欲還全力沮是夕大雨淮水暴漲乃

爲橋渡軍宋兵襲之大敗橋壞全以輕舟先濟士卒

盡沒兵財益匱全坐誅趙翼劄記云金史本紀書說

可帥師侵宋書說可時全軍大敗說可當死而責而

釋之時全傳亦載師還收麥遇雨爲宋兵襲敗乃說

可傳絕無與宋交兵

一字殊爲記載之疎

秋九月壬子約赫德請由壽州

渡淮擣宋巢穴不從己巳宋人掠遂平

縣名屬蔡州

之石

砦店復侵南陽

縣名屬鄧州

唐州提控瓜爾佳玖珠敗之

冬十月壬午宋張惠攻零子鎮爲鄂爾多

原作幹魯朶

所

敗虜其裨將二人十一月甲寅約赫德報臨淮破宋兵之捷時宋人潛渡淮至聊林盡伐隄柳塞汴水斷糧道約赫德遣精兵千人破之獲其舟及渡者七百人汴流復通

二年春三月甲辰朔宋人襲汝陽

縣名屬蔡州

夏六月乙

亥京東總帥報淮南之捷秋九月庚子朔宋人入壽

州鈕祐祿博諾

原作甫乃

力戰卻之提控珠嘉算綽和

原作

尤甲刺

破宋兵甲辰宋人攻南陽約赫德敗之於桃

只罕

源淮陽時約赫德率兵渡淮東破兩寨焚其村塢數十還遇宋兵陣淮南岸擊敗之尋有兵自東南來追復大破之進敗朱兵於湖陂提控珠嘉綽爾原作尤蒲春兒遇害事聞贈銀青光祿大夫冬十月戊戌唐鄧行帥府報淮南之捷攷異薛應旂通鑑云甯宗嘉定十七年三月金主遣其尙書令史李唐英至滁州通好既而復遣樞密判官移刺蒲阿率兵至光州榜諭軍民更不南侵交聘表二月以邊帥意遣忠孝軍三百送唐英至滁州宋人宴犒旬日以素稟爲辭和事竟不成六月復遣伊喇布哈以文榜諭自是宋人亦斂兵哀宗紀未書唐英通好事餘所載畧同按朱嘉定十七年卽金哀宗正大元年也

金史紀事本末卷四十四

金史紀事本末卷四十五

賜封資政大夫 特賞內閣中書前江西峽江訓導萍鄉李有棠編纂

高琪用事

高汝碑附

衛紹王大安三年秋九月中都戒嚴冬十月命泰州

刺史珠格

原作九虎攷異國語解卽珠赫呀亦見八旗姓譜

高琪將所部

部三千人屯通元門外高琪或作高乞

攷異滿洲語中心也舊作

高琪今譯改果勒齊見通鑑輯覽

西北路明安人大定末由護衛十

人長累官宿直將軍同知臨洮府事泰和六年與彰

化節度副使巴噶罕侵宋備鞏州諸鎮宋兵萬餘自

鞏州輓轡嶺入高琪奮擊敗之疊州

輿地廣記云古諸羌地晉屬汝



山郡後周立西疆恒香二郡兼立疊州隋廢唐復立疊州日合川郡縣二台川常芬羌酋青伊

克內附夏取河完顏綱傳青伊克本吐蕃種宋取河湟

日珣爾錦據古疊州有四十族十四城三十餘萬

戶蓋蠻境也珣爾錦卒子額爾亥嗣宋不能制摩以

官爵傳六世至青伊克尤勁勇得衆欲歸金父事洮

州刺史曹傑哩請內附弗許迨佛哩死子普賢爲懷

羌巡檢使會完顏綱經畧西事普賢傳箭入羌中青

伊克率諸部內屬授疊州副都總管賜詔獎諭所載

甚詳詔與知府事舒穆魯仲溫出界合青伊克兵進取

深嘉其奮勇俄爲封冊使封吳曦爲蜀國王

攷異爲副者翰

林直學士詹宇詔高琪日卿以邊面宜力加之讀書

蜀人識卿威名勿以財賄動心失大國體檢制隨去

奉職勿有違枉使還加都統號平南虎威將軍宋安

生事見本傳

丙遣將李好義攻秦州圍阜郊堡高琪赴救大破之

圍解宋兵三千人攻馬連寨以窺湫池遣瓜爾佳福  
壽擊走之至是因元兵逼詔屯通元門外尋爲鎮州  
防禦使權右都監

至寧元年

九月宣宗卽位改爲貞祐元年

秋八月高琪從行省完顏

綱軍屯緡山

縣名屬德興府爲晉新州地

與元兵戰大敗初高琪

駐兵緡山得士卒心左丞綱將赴京行省圖克坦鑑

勸其勿往不聽至是果敗閏九月擢高琪爲右監

軍詔曰聞軍事皆申覆得無失機會乎自今當卽行

之朕但責成功耳尋被詔自鎮州移軍守禦中都迤

南次良鄉不得前乃還中都冬十月高琪與元兵

戰凡兩敗績而歸赫舍哩呼沙呼烈執中戒之曰汝

連敗矣若再不勝當以軍法從事及出復敗高琪懼

誅自軍中入遂以兵入呼沙呼第殺之持其首詣闕

待罪帝赦之授左副元帥將士遷賞有差詔曰呼沙

呼昔無君之心形迹露見不可盡言提點近侍局慶

善努近侍局使色呼默原作直長薩哈連原作撒累

曾陳奏方慎圖之色呼默漏此意於呼嚕原作呼嚕

以告恩楚原作恩楚達於高琪今月十五日將呼沙

呼戮訖惟茲臣庶將恐有疑肆降札書不匿厥旨論

者謂高琪專殺故降此詔 十二月丁酉朔進高琪

平章政事兼前職翰林院完顏蘇噶

原作素蘭攷吳劉祁歸潛志作

速蘭女直進士魁

自中都議軍事還上書求見乞屏左右故

事有奏密事輒屏左右先是太府監丞游茂以高琪威權太重因入見屏人密奏請裁抑之帝未從茂轉告高琪乃具劄論死詔免之杖一百除名自是密奏必令一近臣侍立及蘇噶請帝御便殿見之惟留近侍局直長趙和和侍立蘇噶奏曰日者帥府議削伯特文格

原作伯德文哥

兵權乃詔領義軍改除之命拒

而不受帥府方欲討捕朝廷復赦之且不隸帥府臣風聞皆出平章高琪帝曰汝何以知之蘇噶曰臣見

文格與永清副提控劉溫牒云平章已處分令隸大名行省毋遵帥府約束然則文格與高琪計結明矣帝領之復奏曰高琪本無勲望因畏死擅殺呼沙呼計出於無聊耳妬賢樹黨竊弄威權去歲都下書生樊知一言紕軍必生亂遂以刀杖決殺之使其黨伊搠托卜嘉原作移刺搭不也爲武寧節度使招紕軍無功復爲武衛軍使此賊滅亂紀綱禍害忠良惟陛下察之帝曰朕徐思之蘇嚙出復戒曰慎勿泄也本傳一名翼字伯陽

登策論進士由翰林擢御史宣宗遷汴上書未日中都糧乏故車駕至此稍獲安地倘不知設備再如前日未知有司復請何之所進言多有裨益歷中丞參政行省京兆召還至陝亡奔行在中途遇害父喪曾

廬墓

三年

宣宗貞祐四年春二月乙酉平章高琪表乞致仕不  
允 冬十月元兵取潼關次嵩汝間令史高疑乞命  
高琪爲帥亟圖進禦不報御史臺言兵踰潼關深入  
重地請選勇將各付精兵且戰且守詔付尙書省高  
琪曰臺官素不習兵備禦方畧非所知也遂寢高琪  
祇欲以重兵屯駐南京以自固州縣殘破不復恤帝  
惑之計行言聽終以自斃

攷異劉祁歸潛志云性頗廉月俸計家所費外悉納

之官惟枝忍多害其敵已者殺東平帥移刺都者皆其力也所載較詳

十二月辛亥高

琪加崇進右丞相請修南京裏城帝曰民力已困此

役一興病滋甚矣城雖完固朕亦何能獨安此乎

興定元年春正月癸未宋賀正旦使朝辭帝曰聞息

州透漏宋人此乃彼界饑民沿淮爲亂宋人何敢犯

我高琪請伐之以廣疆土不許 冬十月壬戌右司

諫許古請與宋議和命草牒示宰臣高琪曰辭有哀

祈之意自示微弱不足取遂罷集賢院諮議官呂鑑

請往南邊馳書招諭高琪曰鑑狂妄無稽但其氣岸

可尙付陝西行省備任使制可十二月辛亥陝西行

省胥鼎諫侵宋高琪曰諸軍已進無復可議遂寢不

報鼎復言錢穀之尤非九重所能兼但當總大綱責

成功高琪曰陛下法上天行健之義憂勤庶務夙夜不遑乃太平之階也鼎言非是當是時南北用兵帝深以爲憂右司諫呂造乞詔內外百官上封事直言無諱或召見親訪以盡下情帝嘉納詔百官議河北陝西備禦之策高琪深忌之一無所用高琪督修裏城帝問曰人言此役恐不能就如何高琪曰終當告成但其壕未及浚耳帝曰無壕可乎高琪曰苟防城有法正使兵來臣等愈得効力帝曰與其臨城曷若不令至此爲善高琪無以對及工畢受金鼎之賜

攷異

劉祁歸潛志云高琪建議南京城分八十里極大難守內築子城周四十里壞民屋舍甚衆使朝官監役



不前輒杖之及元兵至仍守外城當工初起得石碣有詩云瑞雲靈氣鎮城東他日還應與北同歲月遷移人事變却來此地再興工亦有數云紀未載高琪自爲相專固權寵擅作

威福與高汝礪相唱和高琪主機務汝礪掌利權附

己者用否則斥凡言事忤意及負材力與己頗者對

上陽稱其才使幹當於河北陰置死地攷異劉祁歸潛志云高琪

爲相初欲擢用文人自許古劉元規等相繼彈劾坐罷因大惡進士專用胥吏由是吏權大盛吏員不五年皆得要職帝亦喜此曹刻深皆自罷樞密元帥後亡國之政也紀及本傳均未載

常欲得兵權遂力勸南侵置河北不復措意凡精兵皆置河南苟且歲月不肯出一卒應方面急

三年冬十一月丁巳高琪以罪下獄十二月高琪伏

誅初英王守純欲發其罪懼其黨與盛未果會高琪

使奴薩布

原作賽不

殺其妻歸罪於薩布送開封府殺之

以滅口開封府不敢違事覺帝久聞其姦惡因此事

誅之

攷異劉祁歸潛志云高琪坐殺妻爲家人訟宰執將奏法當避高琪怒遽索馬歸帝命擒下獄

以大不敬論死先是高琪惡士大夫輒以軍儲加錫杖趙秉文攝南京轉運使亦坐誤糧儲杖四十趙大憤及誅詔適當筆首日君臣分嚴無將之罪莫大夫婦義重不睦之刑安逃曾是一身兼此二惡人謂趙仇雪矣紀及

本傳均未載

尙書省都事布薩納木舍布

原作僕散奴失不

曾以英王謀告高琪論死餘各杖七十勒停先是帝

將南遷欲置乂軍於平州高琪難之及遷汴戒搏多

厚撫此軍搏多輒殺數人以至於敗帝嘗曰壞天下

者高琪搏多也終身以為恨云

攷異搏多原作象多姓穆延名盡忠上京

路人第進士歷西京按察使及執中走還代為留守進都元帥平章與承暉守燕城破奔還汴仍為平章忤高琪與弟烏哩雅語及中都事烏登告其謀逆下獄誅并殺其弟餘詳元人克燕註中

同時高汝礪字巖夫應州金城人大定中第進士蒞

官有能聲明昌初授石州刺史歷諫議請羣臣奏事

諫官得預聞乞舉行推排法令戶部尙書賈執剛與

汝礪先推排在都物力

攷異續通考謂汝礪疏奏國朝自大定通檢後十年一推

物力惟貴簡靜而重勞民今言者請如河北歲括實數之田計畝徵斂有大不可者三議遂寢趙翼劄記云周官以歲時定民之眾寡辨物之多少入其數於小司徒三年則天下大比此良法也金制則分按民之貧富而籍之以應科差謂之推排亦曰通檢率十年一次督責苛急易滋抑勒告訐賄詐之弊與宋呂

惠卿手實法正同然以宋暫行卽罷之弊政而金代數十年行之不變故雖以宋世宗之求治無救於民病也按大定中推排各戶土地牛具奴婢之數分上中下三等務使貧富適均承安中遂定制已典賣物力止隨物推收析戶異居者許令別籍戶絕及困弱者免新强者增之泰和間累擢中都路都轉運使進戶部尙書時鈔法滯因隨事上言多

所更定民甚便之

攷異劉祁歸潛志云金錢幣祇用銅錢正隆時始鑄新錢餘皆宋舊

錢高巖夫爲三司副使倡行鈔法初甚貴重過於錢嗣後兵燹官出其眾民間始輕之法益衰南渡初至有交鈔千貫不抵錢十文用者商賈重困俗謂坐化官知其非屢爲更造一起一衰迄於國亡錢不復出矣續通考云金初用遼宋舊錢天會末雖劉豫阜昌元寶阜昌重寶亦用之海陵貞元二年遷都後戶部尙書蔡松年請復鈔引法始置印造鈔引庫及交鈔庫皆設使副判各一員都監二員而交鈔庫副專主書押搭印合同之事印一貫三貫五貫十貫五等曰大鈔一百二百三百五百一貫五等曰小鈔與錢並用以

七年爲限納故易新循宋張詠四川交子法而紓其  
期時有欲罷之者有司奏言公私俱便不可廢祇乞  
削去年限民得常用其年久文字磨滅許納舊換新  
從之厥後法屢更而弊益滋矣史臣曰正隆初議鼓  
鑄銅禁甚嚴銅不給用漸興審治凡產銅地脈遣吏  
訪察且及外界而民用銅器不可缺者皆造於官而  
鬻之官民交病聽民自造而官爲立價以售此銅法  
之弊也若錢法則鼓鑄未廣斂散無方初恐官庫多  
積錢不及民立法廣布繼恐民多匿錢乃設存留之  
限開告許之路犯者繩以重法卒莫能禁州縣錢艱  
民多私鑄苦惡特甚乃以官錢五百易其一千及改  
鑄大錢所準加重百計流通終莫獲效濟以鐵錢錢  
不可用權以交鈔錢重鈔輕相去懸絕物價騰踊鈔  
至不行權以銀貨銀弊又滋遂罷銅錢專用交鈔銀  
貨在官利於用大鈔大鈔出多民益見輕在私利於  
用小鈔小鈔入多國亦無補於是禁官不得用大鈔  
已而恐民用銀而不交鈔責民以鈔納官先造二十  
貫至百貫例後造二百貫至千貫例先後輕重不倫  
民益駭惑後又限以年數限以地方公私受納限以  
分數民疑益深其間易交鈔爲寶券又爲通寶爲寶

泉未幾續綾印鈔名曰珍貨復作寶宣宗南遷拜參  
會訖無定制而金祚亡矣所載甚詳

政貞祐三年五月朝議括官田及牧馬地以贍河北

軍戶之徙河南者以汝礪總其事尋因羣臣言不便

事遂寢

攷異續通考時因汝礪言命右司諫馮開隨處按視人給三十畝以汝礪總之還奏不可

爲求加察

石抹世勣劉元規皆言不便詔罷給田但

半給糧

半給實直焉四年復遣官括河南牧馬地既

籍其數

議給軍因宰臣言命再議乃擬民有能開牧

馬地及官荒地

作熟田者半給爲永業半給軍詔從

之未幾

省臣請令諸帥府各以其四年正月由右丞

軍耕耨

爲以逸待勞之策許之

進左丞時高琪欲歲閱民田徵租汝礪力阻而止南

侵民困言者請議和汝礪言其非計不許同提舉權

貨司王三錫建議權油高琪勸帝從之以汝礪言乃

金史紀事本末卷四十五  
罷未幾拜平章進右丞相監修國史封壽國公加榮  
祿大夫謂其官未至二品特升兩階哀宗立諫官言  
汝礪欺君固位天下所共嫉宜黜之以厲百官不允  
又有投匿名書云高某不退當殺之因請老不許正  
大元年卒性緝密廉潔結人主知然規守格法循默  
避事故爲相十餘年末蒙譴訶貪戀不去士論譏之  
攷異元好問中州集云南渡後機務倥傯未嘗一日  
廢書不觀臨終留詩有寄謝東門千樹柳安掛青眼  
送行人之句卒時七十一配享宣宗廟廷士論謂其  
才量渾厚足爲守成良相恨所遭不時耳所載稍異

金史紀事本末卷四十五

金史紀事本末卷四十六

賜封資政大夫特賞內閣中書前江西峽江訓導萍鄉李有棠編纂

哀宗守汴

宣宗元光二年冬十二月庚寅帝崩於隆德殿辛卯

皇太子守緒卽位初諱守禮又諱寧嘉祿

原作甯甲速

宣

宗第三子母明惠王后賜姓溫都氏承安三年八月

生宣宗立封遂王貞祐四年立爲太子

致異大金國志云性寬和

慈仁嗜書博學干戈擾攘談論不輟才藻富麗好爲文章紀未載

至是宣宗不豫暮

夜近臣皆出惟前朝資明夫人鄭氏年老侍側帝知

其可託日速召太子主後事言絕而崩是夜皇后及



麗貴妃問安寢閣麗氏陰狡機慧常以其子守純年  
長不得立心鞅鞅夫人恐其爲變給之曰帝方更衣  
后妃可少休他室伺其入遽鑰之急召大臣傳遺詔  
立太子始啟戶出后妃發喪太子方入宮英王守純  
已先至命護衛監守乃卽位

哀宗正大元年春正月庚子權吏部侍郎富察和卓

原作合住攷異汪輝祖金史同名錄云卷六世宗大  
定二年奚猛安被擒六年秦州叛人伏誅卷十四宣  
宗貞祐三年總管又興定五年通遼節度姓李朮魯  
氏卷六十六遼領辰復二州卷六十九胙王元傳子  
育本名大宗正卿卷七十四文傳大定時南京路猛  
安又家奴姓石抹氏卷八十六福壽傳父猛安卷九  
十三荆王守純傳宣宗末駙馬都尉姓徒單氏卷一  
百四郭僕傳大定末侍儀司令同卷烏林答與本名

宣宗時工部尚書卷一百二十徒單四喜 改恒州刺

史伏誅左司員外郎尼瑪哈華山改同知楨州事逐

二姦臣士夫相賀 戊午帝始視朝大風飄端門瓦

致異續通考云是日昏霾不見日黃氣塞天有男子

服麻衣望承天門且笑且哭詰之則曰吾笑笑將相

無人吾哭哭金國將亡重杖而遣之南陽民布陳謀

反伏誅三月熒惑犯左執法紀又載四月癸酉犯右執法而五行志正月丙

午月犯昴三月癸丑犯熒惑四書甲寅以延安帥完

顏哈達原作合達權參政行省京兆兼統河東兩路 夏

五月戊申詔刑部登聞鼓院聽冤者陳訴 辛卯

金史紀事本末卷四十六 二

立妃圖克坦氏爲皇后

攷異元史太祖紀云夏宋大名總管彭義斌侵河北史天

倪敗之

於恩州

秋九月樞密判官伊喇布哈

原作移刺蒲阿改作伊喇

豐阿復澤潞獲馬千匹高琪定職官犯罪的決百餘

條因左丞張行信言改依舊例

二年春正月甲申有黃黑之祲夏四月辛卯朔起

復胥鼎爲平章行省衛州五月丁丑蘇椿自大名來

奔詔置之許州

攷異薛應旂通鑑云嘉定十七年六月大名府蘇椿等舉城來歸詔悉補

官卽以其州授之當正大元年至是復自宋來奔耳

時李全遣劉慶福圍許國國縊死全據楚州黠語彭

義斌不從遂攻恩州義斌與戰敗之義斌旣克山東

復納李全降兵兵勢大振遂圍東平下真定嚴實與

蒙古將李里海合圖之兵潰義斌爲史天澤所擒不

屈死之京東州縣復爲實有凡五十四城元史太祖

紀云六月彭義斌以兵應武仙八月鞏州元帥田瑞

天澤禦於贊皇擒斬之史未載原作十哥攷異卷一百三十

反行省軍圍之弟實格原作十哥攷異卷一百三十三窩幹傳正隆未闢沙河干

戶十哥另一人殺瑞出降授涇州節度使世襲明安九月

夏國和議成遣使來聘冬十月乙亥伊喇布哈敗

宋人於光州獲馬數千斬首千餘級內族王嘉努

原作王家奴攷異汪輝祖金史同名錄云卷十五宣

宗興定三年葭州刺史姓紇石烈氏卷六十三海陵

嫡母徒單氏傳寧德宮直長為海陵殺卷八十一烏

古迪烈招討都監姓蕭氏卷一百二完顏弼傳大安

三年押軍千戶五故殺鮮于主簿特命斬之詔有司

人同名王家奴為死節士十三人立褒忠廟攷異續通考云時完顏

土門死節臨洮皆立像祀之廟曰褒忠按天眷中洪

洞令劉徽柔斷叔殺姪事部民驚服為立生祠大定

間長社令張萬公招諭土寇數萬眾感悟去邑人立  
生祠明昌五年言者謂葉魯谷神創女直文字乞封  
贈立祠詔依倉頡立廟整厓例官為立廟於上京興  
定中王浩令涇陽有惠政去後民立生祠又商衡令  
威戎開倉賑饑民命趙秉文楊雲翼作龜鏡萬年錄  
攷異續通考云時秉文等上君臣政要又沙溪傳慎  
微有興亡金鏡錄百卷正大間同知集賢院呂造著  
尚書要錄奏進東明玉鶚金末狀元著論語集  
義應物集汝南遺事信安桂瑛著語孟旁通

三年夏五月己未宋兵掠壽州境癸亥永州桃園軍

失利死者四百六月壬子詔諭遼東行省討反賊萬

嘉努原作萬家奴赦脅從者秋八月伊喇布哈復曲沃縣名

屬絳及晉安攷異元史太祖紀云九月李全執張琳郡王岱遜進兵圍全於益都十二月李

全降續綱目云三月蒙古圍全於青州糧援路絕使  
其兄福還楚州時朝廷欲圖全以制置使徐晞稷畏

情罷之以劉瑋代瑋資望尤淺盱眙忠義夏全作亂  
逐瑋以衆降金瑋走死又以姚紳制置淮東寄治僧  
舍媚事全妻楊氏李福謀殺劉慶福復逐紳至明州  
死福爲張林殺全擊林殺之復誘殺時青併其衆時  
正大四年六月七月事也先是蒙古圍青州一年全  
降係五月事而富珠哩傳謂全於三年十二月引兵  
入齊至四年四月乃冬十月己巳宋忠義軍夏全自  
降元所載時日互異

楚州來歸王義深張惠范成以城降封四人爲郡王

改楚州爲平淮府

改異薛應旂通鑑云八月檄知盱眙軍彭托等赴楚州圖李全餘黨

時青密遣人報全張惠范成進以朝檄不及己歸盱眙縛托渡淮以盱眙降金全使專制河南以拒蒙古全得時青報還楚州王義深奔金國安用殺張林邢德以自贖周密齊東野語云初賈涉病歸許國代知楚州授文階生受李全庭參禮激變走死文武被害者數十人徐晞稷代至則一意逢迎全益驕還青州晞稷罷瑋代措置乖方會夏全自盱眙率衆來歸先是李全欲殺夏全得瑋救免至是留以自衛又命封

閉李全劉全張林等府庫限北軍三日出城尋與楊氏通遂合李福作亂逐瑋事聞命姚弋仲代時全猶未歸李姑姑姑與其夫兄李福殺劉慶福張甫以誅逆聞封姑姑姑楚國夫人弋仲賴國安用匿免未幾安用誅李福姑姑姑易服往海州續綱目云時有郭統制者殺全次子通及全妻劉氏詭稱楊氏函首獻楊紹雲後亦為全殺嚴道甫云夏全等四人封王非一時金史牽連書之亦有舛誤是歲設益政

書院於內廷以楊雲翼等為說書

攷異元史是冬皇子諤格德依及察

罕之師圍金南京遣唐慶責歲幣於金史未載五行志云十一月丙辰月掩熒惑丁巳熒惑犯歲星庚申犯壘壁陣癸酉五星並見於西南十二月熒惑入月績通考云三月乙丑有火自吏部出大如斛流行展轉人皆驚避踰時而滅庚午省前有氣微黃自東北亘西南狀如虹中有白物十餘往來飛翔又有光倏見如二星移時方滅紀均未載

四年春正月壬戌增築中京城浚汴京外壕二月布

哈約赫德復平陽執知府李齊勤攷異錢大昕諸史拾遺云一作李七

斤卽元史忠義獲馬八千攷異約赫德傳作三千又

陽傳之李守忠也本紀載布哈約赫德復平

哈借也今從紀而布哈靈寶之捷本紀又未書三

月元兵克德順府節度使愛新原作愛申攷異別名

烏古孫奴申傳哀宗奉御亦攝府判馬肩龍死之元

名忙哥另一人亦見崔立傳

兵復下平陽 己巳徵夏稅二倍 夏五月丁丑元

兵克臨洮府總管圖們呼圖克們原作陀滿胡土門攷異通鑑輯覽作

利死之攷異元史太祖紀云正月帝攷積石州二月

搏攷異元史太祖紀云正月帝攷積石州二月

延攷異元史太祖紀云正月帝攷積石州二月

編攷異元史太祖紀云正月帝攷積石州二月

於元陝西行省進三策上策自將出戰中策幸陝州



下策棄秦保潼關不從六月戊申朔遣前御史大夫

完顏哈昭

原作合周攷異通鑑輯覽作哈準一名永錫

為議和使

攷異元史太祖

紀云時副使為鄂通阿古原作奧屯阿虎紀未載

秋七月元兵自鳳翔徇京

兆關中大震未幾復克商州

攷異薛應旂通鑑云蒙古入京兆復破關外諸

隘至武階四川制置使鄭損棄沔州遁三關不守金盡棄兩河關陝併力守河南保潼關自洛陽三門析

津東至邳州之源雀鎮東西二千餘里立國行省紳精兵二十萬守禦是冬鐵木真殂於六盤山立二十

二年年六十六臨終囑假道於宋下兵唐鄧直趨大梁後卒如其策廟號太祖六子長朮赤早卒二子

及三窩濶台四拖雷至是拖雷監國六盤山在四原州西南三十里元史太祖紀云帝次清水縣西江七

月崩於薩里川哈喇圖之行宮葬起輦谷日下舊聞考云特穆津墓在蘆溝河側山水環繞相傳插矢以

為垣選騎以為衛濶踰三十里特穆津生於此故葬此今墓無考

八月己巳大風

落左掖門鵠尾壞丹鳳門扉隕霜殺禾

攷異五行志云正月壬戌

癸慈犯太白六月丙辰太白入井七月丁亥癸慈犯斗從西第二星續通考云六月丙辰白氣經天十月

乙未日上有虹背而向外者二長丈餘兩旁均有白氣貫之紀多未書

是月李全自

益都復據楚州遣總帥額爾克

原作說可

元帥慶善努

原作

慶山奴

守盱眙與戰於龜山敗績封全淮南王不受

五年春正月庚辰遣知開封府事完顏莽伊蘇

原作麻斤

出如元弔慰

免死以不職

二月乙巳朔大寒雷雨雪

木之華者盡死

攷異五行志云五月乙酉月掩心大星續通考云八月御座上聞若有言

者日不放論何索之不見紀未載

癸丑詔塑呼圖克們像入褒忠

廟書死節子孫於御屏量才任使三月甲戌朔羣臣

請依舊制樞密使聽尙書省節制不從

攷異續綱目云三月蒙古

兵入大昌原金哈達使忠孝軍提控完顏陳和尚爲

前鋒以四百騎大破蒙古兵八千蓋二十年來始有

此捷奏功第一名振國中授定遠大將軍世襲謀克

又於七年正月書蒙古入金大昌原布哈敗之慶陽

圍解薛應旂通鑑同按大昌原之捷陳涇續編作五

年三月薛通鑑因之與續綱目同蓋本忠義傳徐乾

學後編繫之六年本哀宗紀惟畢沅續通鑑改作七

年正月據約赫德布哈傳云七年正月戰於大昌原

慶陽圍解卽爲陳和尚前鋒奏捷之事前人誤分大

昌原慶陽爲二事故致悞耳大昌原在慶陽府南接

寧州秋八月甲子以博索原作白撒爲尙書左丞十二月

壬子完顏訥新原作訥申改侍講學士充國信使攷異元史太祖

紀八月金遣阿固岱來歸太祖時尋復遣使來聘卻不受所載各異

六年春二月丙辰命丞相薩布原作賽不行省關中召平

章哈達還朝布哈率忠孝軍總領陳和尚

攷異畢沅續通鑑作

完顏彝通鑑輯覽作禪華善

駐邠州遣白華宣諭專備軍須秋八

月丙申布哈再復澤潞冬十月元兵駐慶陽界詔陝

西行省遣使乞緩師十二月乙未命副樞布哈總帥

約赫德簽樞額爾克合兵救慶陽

攷異續綱目云八月元太宗窩闊台

立十二月定算賦以史天澤劉黑馬蕭北拉爲萬戶統漢兵分守中原

七年春正月副樞布哈等解慶陽之圍以額爾克屯

邠州布哈等還京兆以約赫德爲左副元帥值元使

翁鄂羅北還約赫德出語不遜激怒元主卽自將侵

陝西

攷異薛應旂通鑑云初蒙古使幹骨樂至陝西議和蒲阿牙吾答留之及慶陽圍解志意驕滿

蒲阿乃遣幹骨樂還謂曰我已準備軍馬能戰則來  
歸告元主卽與拖雷侵陝西破山砦六十餘所遂趨  
鳳翔約赫德傳一名志本出親軍明年棄京兆歸至  
閩鄉得寒疾不汗死性鷙狠好結小人不受朝廷節  
制詆毀宰執陵侮朝使以銀符佩妓屢往州郡取賕  
號督差行省厚賄之御史康錫疏劾釋不問屢破宋  
兵威震淮南喜用鼓椎擊人號盧鼓椎可止兒啼如  
呼麻胡云子阿里哈號小鼓椎坐官努誅原任阿里  
合一作合里合卷一百二十二移刺阿里合同名宣  
宗時霍州刺史康錫字百祿趙州人至甯元年進士  
拜御史劾侯摯師安石非相才薩哈連聲勢熏灼請  
託公行不可在禁近時論譴之後爲河中府治中城  
破從帥濟河船敗死  
與雷淵冀禹錫齊名  
夏五月釋清口宋敗軍三千

人願留者五百屯許州餘縱遣之  
秋八月元兵圍

武仙於舊衛州冬十月己未朔命平章哈達參政布

哈引兵解其圍軍還帝登承天門犒勞并賜世襲明

安行省閩鄉

縣名屬陝州

以備潼關

攷異元史太宗紀云春遣兵圍京兆金主

率師來援敗之拔其城夏多果朗及金兵戰敗績命

蘇布特援之七月帝南伐拔天成等堡遂渡河攻鳳

翔十一月攻潼關藍關不克十二月拔天勝寨及韓

城蒲城紀未載五行志云十月己巳月暈至五更復

有大連環貫之絡北斗內有戟氣十二月庚寅有星

出天津下大如鎮星色不明初犯輦道二日見於東

北在織女南乙未入天市垣戊午方出癸丑厯房北

復東南行入積薪凡二十五日而滅續通考云十二

月新衛州北三里許有影在沙上如舊衛

州城狀寺塔宛然數日乃滅紀均未載

八年春正月元兵圍鳳翔遣判官白華等諭閩鄉行

省進兵哈達布哈以未見機會不行尋復遣諭亦不

行攷異哈達傳正月元蘇布特破小關殘盧氏朱陽

二帥遣陳和尚往援北兵退至倒回谷而還盧氏朱

陽二縣名屬號州紀未載蘇布特原作速不臺蒙古

烏梁海人卒封河南王謚忠定續綱目云白華還金  
主復遣諭以鳳翔圍久恐不能支可領軍出關畧與  
渭北軍交手北軍聞必奔赴少紆鳳翔之患哈達布  
哈始出關行至華陰與渭北軍交戰比晚收軍入關  
不復顧鳳翔矣所載各異夏四月丁巳朔元兵克鳳翔兩行省棄

京兆遷居民於河南留慶善努守之

攷異元史太宗紀鳳翔之破作

二月事云攻洛陽河中諸城下之五月命圖類出師  
寶雞遣綽布干使宋假道殺之復遣李國昌使宋索  
糧綽布干原作撈干罕續綱目作蘇巴爾罕云金降  
人李昌國言於圖壘出寶雞以侵漢中不一月可達  
唐鄧從之使蘇巴爾罕如宋假道且謂會兵至沔州  
青野原統制張宣殺之圖壘曰宋自食言背盟棄好  
今日之事曲直有在矣五月李全妻楊妙真以全陷沒於宋

構浮梁楚州欲復宋讎遣哈達布哈屯桃源界敵河  
口以防侵軼時兩行省約宋師爲夾攻計牒知楚州

大軍已還河朔哈達遂取淮陰詔改名歸州以行省

烏庫哩雅爾噶守之郭恩為右都監明日宋將燒浮

梁泗州總領資格叛歸楊妙真防禦使圖克坦達喇

死之總帥邁珠舊作買住姓納哈塔氏舊作納合

木典凡詳穩亦一名買亦以盱眙降宋攷異薛應旂通鑑云時趙善湘

住姓加古氏另一人制置江淮李全據楚州叛攻秦州知州宋濟降聞趙

范趙葵已入揚州鞭鄭衍德率眾攻揚州立柵鬻頭

與戰輒敗築長圍困三城為范葵破退陷於新塘淖

中伏誅其黨國安用從全妻楊氏范葵追擊大敗之

走山東降蒙古為都元帥行省山東周密齊東野語

云全叛圍揚州詔削奪官爵停給錢糧令諸路兵討

之兵敗陷新塘次日於沮洳屍中得一紅袍無一手

皆負乃全也時理宗紹定四年五月北軍悉遁諸州

閩維揚嘗使與諸子同學其後全無子屢託涉視之

金史已事本末



涉遂與以爲後更名壇云劉子澄嘗著淮東補史紀載甚詳

秋九月丙申元兵

駐河中府慶善努棄京兆東還召哈達布哈赴汴議

救河中懼不行還陝州出師至冷水谷而歸元兵攻

河中乃遣元帥王敢率兵萬人救之攷異元史作十月圍河中薛應

旂通鑑云八月拖雷分三萬騎入大散關趨華陽關

破鳳州屠洋州攻武休出其東南圍興元軍民死者

數十萬其西軍由沔州取大安軍路渡嘉陵江趨葭

萌畧地至西水縣破城寨百四十而還東軍屯興元

洋州間趨饒風關葭萌縣名屬利州西水縣屬閬州

華陽關在洋縣北百五十里華陽山唐置爲縣要地

見漢中府志又柳宗元館驛使記云自長安至葭尾

其驛十有一其蔽曰洋州其關曰華陽趙翼劄記云

元史圖類傳時分兵攻宋諸城堡長驅入漢中陷閬

州過南鄭遂由金入房乘騎浮渡漢水而北是圖類

之經宋境由力戰而入也而按竺通傳圖類由山南

入金境時爲先鋒趣散關宋已燒絕棧道制置桂

淵守興元按竺通假道如淵度我兵壓境勢不徒還  
遂遣人導之由武休東抵鄧州而去是宋許假道未  
嘗戰也所載各異續綱目云十月四川制置使桂如  
淵逃歸詔以李璣代知成都府趙彥呐副之知興元  
府初彥呐治西和五年安丙待之厚崔與之謂必誤國事朝廷不從  
兵至饒風關攷異哀宗紀一作饒峯一作由金州而饒豐合達傳作饒峯係一地  
東省院議以逸待勞未可與戰帝曰南渡二十年所  
在之民破田宅鬻妻子竭肝腦以養軍今兵至不能  
逆戰止以自護京城雖存何以爲國天下其謂我何  
朕思之熟矣存與亡有天命惟不負吾民可也乃詔  
諸軍屯襄鄧十二月己未河中府陷簽樞草火額爾  
克原作訛可攷異元史塔思傳作完顏火燎通鑑輯覽作鄂和死之元帥板子額

爾克

原作

提敗卒三千走閔鄉詔赦將佐以下杖額

爾克死

敗異續綱目云時蒙古築松樓高二百尺下

陷被擒就死板子額爾克走閔鄉初在閔鄉為監戰

陸爾所制有隙及改河中總帥同赴召陸爾譜其畏

避主信之至是怒其不死節杖殺之兩人皆內族一

得賊好以草火燒之一嘗誤呼宮中牙牌為板子故

因以別之陸爾原作六兒卷二太祖紀天輔二年降

人同名劉祁歸潛志云南渡後內侍權重宣宗倚為

耳目伺察百官故奉御輩採訪民間號行路御史或

得一二事奏之因以責臺官皆抵罪又方面之柄雖

責將相每差一奉御監戰臨機應變多所牽制遇哈

敵多先奔故師多喪敗哀宗因之不改以迄於亡哈

達布哈率諸軍入鄧州楊沃衍陳和尚武仙兵皆會

出屯順陽戊辰元兵渡漢江

攻異續通考云漢江由

化至襄陽府城北又東南經宜城抵安陸至大別山

入江其水因地而名曰漾曰沔曰漢曰滄浪總之一

漢也沔江在荆門州東九十里源自陝西漢中爲漢水至荆山南爲滄浪水過潛江爲沔水潛江在潛江縣入漢直江荆門州東南百六十里南流入潛江界平塘湖達三湖以合沔水澠水京山縣西八十里又沔陽州東南有三澠水襄陽府城東北有白河源出鄧州界入漢又城東北百里有唐河源出唐縣入漢均州南六里有曾河源出大利山東流經城南入漢清涼河南漳縣東十二里源出西溪洞與蠻河合蠻河源自房縣界經南漳入宜城西南六十里均入漢滾河東陽縣西南合白河入漢泌河光化縣東南流至府界與白河合入漢而北諸將請乘其半渡擊之布哈不從

及兵畢渡戰於禹山

在鄧州析川縣東南三十里

之前元兵少郤

營三十里外以大捷聞

攷異元史太宗紀作次年正月蓋據報聞之日耳拖雷傳

是日大霧迷道爲金人所襲殺傷相當金史蒲阿傳謂戰三交北兵少退向蒲阿後笑之爲蒲阿定住所郤北兵又擁樊澤軍合達斬一千夫長軍殊死鬪乃郤之

合達傳拖雷兵至禹山合達等拒戰北兵襲之武仙一軍殊死鬪北兵退走追奔之際忽大霧四塞合達命收軍頃之霧散乃前有一大澗澗數里非此霧則北兵人馬滿中矣是此戰實有卻敵之功非全虛也

諸相置酒省中左丞李蹊曰非今日之捷生靈之禍

可勝言哉無何元兵分趨汴京京師戒嚴是夜二鼓

哈達布哈引軍還鄧州元兵躡其後盡獲其輜重

攻

薛應旂通鑑云禹山之戰蒙古兵突前蒲察定住力戰始退合達欲逐之蒲察不可明日蒙古兵忽不見邏騎還始知在光化對岸棗林中不下馬已四日林外不聞音響二帥議入鄧州敵兵至邀其輜重去二帥入鄧州蒙兵趨汴時民保城壁者聞捷皆散還鄉里不數日游騎突至多被俘獲所載較詳

天興元年

是年本正大九年正月改開興四月始改天興

春正月壬午朔日

有兩珥

癸未置尙書省樞密院於宮中以備召問

時元兵道唐州元帥完顏兩羅索原作婁室與戰襄城之

汝墳敗績走還汴遣完顏莽伊蘇等部民丁萬人決

河水衛京城癸未起前元帥瓜爾佳實倫行帥府事

哈達布哈引軍自鄧州趨汴京乙酉以點檢瓜爾佳

薩哈原作撒合攷異汪輝祖金史同名列云卷十八哀宗天興元年東面元帥姓把氏卷七十宗賢

傳太祖時戰沒卷一百三桓端傳貞祐四年沂州同知防禦事四人同名撒合為總帥將兵

三萬巡河渡權近侍局使圖克坦長樂監其軍起近

京諸邑軍家屬五十萬口入京 丙戌元兵定河中

由河清縣宋屬河南府白坡鎮名河清縣城東渡河攷異呼圖傳開興元年正

月戊子北兵以河中一軍由洛陽東四十里白坡渡

河白坡故河清縣河有石底歲旱水不能等丈國初

以防上下千里常以此路為憂每冬日命洛陽一軍戍之河中破有言此路可徒涉者已而果然北兵既渡奪河陽官舟以濟諸軍所載較詳 丁亥薩

哈長樂率兵至封邱縣名宋屬而還左司郎中錫默

愛實原作斜卯愛實官中京留守有傳攷異汪輝祖金史同名錄云卷十八哀宗天興二年都尉姓

王氏卷百二十四烏古孫仲端請斬之以肅軍政不

傳其子官奉御三人同名愛實孟珙為京西鈐轄代攷異薛應旂通鑑云正月以孟珙為京西鈐轄代

從江海統忠順軍駐東陽命史嵩之制置京湖知襄

陽府時金主聞兵至召羣臣議令史楊居仁請乘其

遠至擊之平章白撒不從蒙古主用西夏人恤可計

自白坡渡河馳報拖雷以師會夾谷撒合至封邱軍

還蒙古兵奄至麻斤出等皆死丁壯得免者僅三百  
紀未都尉烏凌阿呼圖一軍自潼關入援至偃師遁  
載未走登封二縣名均屬河南府少室山在登封縣境與太室山相

壬辰衛州節度使完顏薩尼雅布原作斜棄城走汴

甲午修京城樓櫓及守禦備元兵薄鄭州與白坡兵

合屯軍元帥馬伯堅以城降攻異元史作馬伯奇防

禦使烏凌阿耀珠死之乙未元游騎至汴城攻異續

蒙古主入鄭州遣蘇布特等攻汴金羣臣議所守言

高琪所築裏城決不可守於是定計守外城主命趙

秉文爲救文情詞哀痛聞者感丁酉大雪兩行省軍

及元兵戰於鈞州之三峯山敗績方與紀要云鈞州

府三峯山在州西北三十里攻異張翥題納新金臺

集云時金師三十五萬來拒忽中夜大雪戈戟弓矢

凍不能施我師一鼓殲之元史塔察兒傳與金合達

戰三峯山敗之明年壬辰三月太宗班師命偕速不

台圍汴按合達蒲阿二傳及元史睿宗圖類傳三峯

山之戰在壬辰正月今敘於壬辰之前作辛卯冬事



塔察兒傳誤又史天澤傳謂太宗三峯山戰勝後即北還留睿宗總兵圍汴按塔察兒傳太宗圍汴金主以訛可出質太宗與睿宗還河北睿宗傳亦云睿宗同北歸未嘗留圍汴京也天澤傳亦誤

陳和尚楊沃衍

攻異沃衍別名幹烈傳在卷百二十三左監軍賜姓兀林答氏卷七十六

宗本傳太宗子

鄂主走鈞州城破皆死之副樞布哈亦名幹烈另一人

執事亦死武仙走密縣自是軍不復振

攻異績綱目云時哈

達布哈率兵十五萬援汴蒙古兵三千尾之且行且戰至黃榆店望鈞州二十五里忽有旨召二帥赴京

兵方發蒙古兵自北渡者畢集以大樹塞道楊沃衍奪路得至三峯山蒙古兵四面圍之嗣開鈞州一路

縱之走哈達陳和尚等入鈞州蒙古主在鄭州聞圖壘與哈達相持乃遣昆布哈齊拉袞等赴之至則金

軍已潰乃合攻鈞州哈達匿窟室中城破發而殺之

陳和尚自詣軍前不屈死薛應旂通鑑云武仙走密

縣楊沃衍樊澤張惠高英力戰死蒲阿走被擒至官

山殺之蒙古主所遣將爲口溫不花赤老溫哈達傳

名瞻字景山由推官權右監軍討平平州亂城破降  
元居半歲自拔歸擢右都監屢敗宋夏兵張行信稱  
爲良將封芮國公兵敗爲元殺元將嘗曰汝家所恃  
惟黃河與哈達耳今哈達爲我殺黃河爲我有不降  
何待布哈本契丹人兵敗亦死大金國志云蒲瓦兵  
敗出降係誤元史郭德海傳哈達布哈走匿浮圖上  
德海命掘浮圖基出其杜焚之太宗紀丁酉獲布哈  
戊戌獲哈達是布哈之擒在哈達先又異移刺蒲阿  
傳三峯山之戰元兵開鈞州路縱金兵走而以生軍  
夾擊之楊沃衍樊澤皆戰死於路沃衍傳則謂沃衍  
已入鈞州元使人招之不符己亥徐州行省慶善努引  
從自縊死二傳所載不符

兵赴援入睢州謀走歸德至陽驛店遇敵徐帥完顏

烏里

原作兀里  
一名鄂倫

力戰死慶善努被擒使招京城不從

睢州刺史張文壽棄城從慶善努皆死之遂下睢州

義勝軍校侯進杜正張興率所部北降潼關守將李

平以關降元許州軍變殺元帥瓜爾佳實倫攷異劉祁歸潛

志一作鈕祐祿全周蘇椿以城降元攷異實倫傳隆安人剛悍自用

卜倫歷節度行帥事以罪免起昌武節度代全周至是內族安春等開門降實倫投解後井中全周自縊蘇椿

被殺所載較詳二月甲寅元兵徇臨渙縣令張若愚死之戊

午次盧氏關陝行省總帥兩軍及秦藍帥府軍棄潼

關而東與之遇值大雪未戰而潰行省圖克坦烏登

原作兀典亦作吾典傳在卷百十六攷異汪輝祖金史同名錄云卷十五宣宗興定三年故行軍副提控

姓夾谷氏卷百十八苗道潤傳興定元年潞州提控姓烏林答氏卷百二十八石抹元傳貞祐初近臣姓

黃摑氏四人同名吾典又卷十八哀宗紀天總帥納

興二年息州行省參政抹撚兀典另一人哈塔和碩原作納合閏攷異續綱目合敗死完顏

重喜

攷異卷七十四文傳

降斬於馬前都尉鄭侗殺

都尉苗英亦降經歷商衡死之

攷異續綱目云時主

重喜帥軍十一萬騎五千盡撤秦藍諸關之備從號

人陝軍糧數十萬斛船二百餘艘皆順流東下聞敵

至盡棄之復盡起州民運靈寶硤石倉粟會游騎至

殺掠不可勝計至鐵嶺降元被殺烏登合音走山谷

被擒亦死圖克坦百家時在陝招納潰軍兵勢稍振

敗於鄭西至京言烏登等鐵嶺敗狀籍三人家資暴

其罪方輿紀要云靈寶縣名屬陝州硤石城在陝州

東南三十里鐵嶺在盧氏縣北四十里元遠山岐陽

詩三首云矢騎連營馬不飛北風浩浩發陰機三秦

形勝無今古千里傳聞果是非偃蹇鯨鯢人海濶分

明蛇犬鐵山圍窮途老阮無奇策空望岐陽淚滿衣

百二關河草不橫十年戎馬暗秦京岐陽西望無來

信隴水東流聞哭聲野蔓有情榮戰骨殘陽何意照

孤城從誰細向蒼蒼問爭遣蚩尤作五兵眈眈如虎

護秦關懦楚屏齊机上禹貢土田推陸海漢家封

檄盡天山北風獵獵悲笳發渭水蕭蕭戰骨寒三十

卷之六

卷一百一十一

六峯長劍在倚天仙掌惜空閑時金守將李平以關

降元遂長驅入陝詩蓋作於此時也顧奎光金詩選

載李長源避亂陳倉南山同望三峯追懷淮陰侯詩

云憑高四顧戰塵昏野山川自吐吞渭水波濤喧

隴阪散關形勢扼興元旌旗日落黃雲戍弓劍霜

寒白草原一飯悠悠從漂母誰憐國士未酬恩乙

丑元兵攻歸德攻異薛應旂通鑑云石蓋女魯歡命

實嘉細勒罕通鑑輯庚午起復薩布為左丞相異

覽作什嘉細勒罕通鑑輯庚午起復薩布為左丞相異

沈炳震甘一史四譜云哀宗朝丞相祇賽不而平章

則胥鼎合達侯摯完顏合撒左丞則張行信赤蓋

尉忻師安石李蹊顏蓋世魯完顏忽斜虎均見本紀

劉祁歸潛志云二月陳州陷元帥粘割奴申死之紀

未括京民軍二十萬分隸諸帥三月丁亥元兵攻中

京留守薩哈達原作撒投水死攷異薛應旂通鑑云

中唯三峯潰卒三四千及忠孝軍百餘守禦撒合贊

疽發背不能軍投濠水死元帥任守貞攝府事及援

疽發背不能軍投濠水死元帥任守貞攝府事及援

汴眾推強伸為僉事赤身搏戰號愍子軍用銅鞭發  
箭又創遏砲能發大石於百步外所擊無不中攻三  
月不能拔乃退紀未載續綱甲午命平章博索宿上  
目強伸作齊克仲伸亦作紳

清宮樞副喀齊喀宿大佛寺以備緩急

攷異劉祁歸潛志云時帝

在宮中常聚后妃涕泣欲自縊為宮人救免將墜樓  
亦為左右救白撒與赤蓋合喜用事姦佞無遠畧士  
庶皆惡之帝信任不去識者知其誤國矣喀齊喀傳  
先以守鳳翔自誇至是守西北隅受攻最急言失  
措面無人色軍士特以車駕數出慰勞人自激昂爭為效命耳紀均未載元遣使自鄭州  
來諭降出國書索學士趙秉文衍聖公孔元措等二

十七家及歸順人家屬布哈妻子繡女弓匠鷹人又

數十人庚子封荊王守純子額爾克

原作訛可為曹王

異續通考云訛可初封蕭國公又守純次子戴王史失  
其名三子孛德封鞏王天興初守純第產肉芝一株

高五寸許紅鮮可愛既而枝葉津流濡成血臭不可  
聞割而復生者再又第中每夜房間狐鳴秉燭逐之  
則失所在汪輝祖金史同名錄云卷十章宗明昌六  
年右拾遺卷十六宣宗元光元年定國節度死節卷  
百十一內族一戰死一杖死卷百十四  
白華傳內族首領官六人同名說可  
命左丞李蹊  
送元營爲質後與其子全俱還  
攷異劉祁歸潛志李  
張本紀未載元好問中州集本字敏之觀津人貞祐  
二年進士工大篆及八分詩有古意正大九年從曹  
王出質客居燕京長春宮  
密國公壽以曹王幼請代  
將十年後遊濟南病卒

不許遣諫議大夫費摩阿古岱

原作裴滿  
阿虎帶

太府監國

世榮爲講和使

攷異劉祁歸潛志爲副者  
尙有吏部侍郎劉仲周

權參政楊

慥分軍防守四城元兵攻城帝出撫慰軍士千戶劉

壽語不遜釋勿問親傳戰傷者藥出內府金帛器皿

賞戰士夏四月癸丑元帥劉益叱其子戰死丁巳遣

戶部侍郎楊仁奉金帛請和見允以珍異往謝薛應

旂通鑑云時蒙古主北還遣使諭降金使訛可為質

請和速不臺曰我奉命攻城不知其他也乃立攻具

沿壕列木枓驅老幼填壕平章白撒以議和不敢戰

主從六七騎出端門時新雨泥溝至舟橋都人遮擁

至有誤觸御衣者進笠不受曰軍中暴露安用此為

曹王行敵併兵進攻擊以火砲樓櫓皆以牛皮為障

隨卽延熬相傳周世宗築京城用虎牢癸亥明惠后

土堅密如鐵受砲惟四而已所載較詳

陵被發失柩所在尋獲而葬之甲子御端門肆赦改

元攷異劉祁歸潛志云四月八日始輟攻下詔改元  
賀已而不退四面駐軍環之由是知禍未艾也士庶  
縱酒肉歌呼無久生心所載畧異薛應旂通鑑云時  
參政合喜以守城為己功欲率百官入賀參政思烈  
日城下之盟春秋所恥況以罷攻為可賀耶合喜怒



曰社稷不亡君臣免難汝等不以爲喜耶乃命趙秉文爲表秉文曰春秋新宮災三日哭今園陵如是酌之以禮當慰不詔官民能復州郡者賞出金帛犒軍當賀事乃已

減御膳罷冗官放宮女上書不得稱聖改聖旨爲制

旨汴京解嚴步軍始出封邱門采薪蔬攷異元史石抹阿辛傳阿

辛將黑軍長驅擣汴州入自仁和門收圖籍振旅而歸按金史汴京之圍哀宗以訛可爲質蒙古主卽還使碎不解等圍守未嘗攻破汴城塔察爾與金人戰南薰門亦未嘗破門而入迨哀宗出走崔立叛降元兵始入城其先亦無攻破城門之事阿辛傳誤見趙翼劄記丙寅以尙書省兼樞

密院事國制樞院雖主兵而節制在尙書省兵興以

來茲制漸改凡軍事省官不得預院官獨任專見往

往敗事言者多謂將相權不當分至是始併之攷異趙翼

劄記云金初爲相者多兼元帥如宗翰爲固倫貝勒兼都元帥領三省事宗弼入朝爲太師領三省事都元帥如故亦見兵事皆宰相參決也明昌以後蒙古勃興北部騷動惟恐漏洩傳播祇令樞密主之宰相遂不得預陳規疏請戰守大計須省院得議楊雲翼亦奏軍旅大事宰相不得與聞欲使利病不蔽得乎皆不聽至是始復舊制而國亡矣

己巳建威都尉完顏鄂倫

原作兀論

同元使摩多

原作沒忒

入城見於隆德殿夏五月辛巳遷

民告出城者以萬數薩布博索不聽乙酉以南陽王

子思烈

原作德哈

行省鄧州召援兵詔博索致仕放京城

四面軍李辛不奉詔戊子裕州將賀德希

原作都喜

率西

軍二千入援放遷民出城辛卯大寒如冬城中大疫

凡五十日諸門出死者九十餘萬人貧不能葬者不

在是數尋復修汴城塞四門以便守禦以疫後園戶

僧道醫師鬻棺者擅厚利命倍征以助國用 楊春

入據亳州判官劉均死之六月豐紳

原作封仙

據徐州圖

克坦益都

攷異宣宗紀興定四年行軍提控後為秦州節度完顏益都另一人

走宿州

推張興行省事國安用入徐州殺張興推豐紳主州

事

攷異薛應旂通鑑作亂者尚有總領王祐為國安用殺紀未載

宿州將高拉格

原作

臘

李宜殺節度使赫舍哩阿古

原作阿虎攷異宣宗紀貞祐三年戶部郎

哥中後官宣徽使見合達傳另一人

父子奉伊都為帥不從走穀熟

縣名

屬歸德府

遇元兵死之

秋七月甲申飛虎軍士申福蔡

元擅殺元使唐慶等三十餘人於館詔貰其罪和議

遂絕

攷異劉祁歸潛志云七月慶等來邀帝往議帝託疾卧御榻慶等無禮語不遜飛虎軍數輩憤

夜持

兵入館殺慶等館伴與屯按出虎及畫二人亦

死趙

翼割記云元史太宗命慶往諭金主黜帝號稱

臣主

不聽慶以語侵之金君臣遂謀害慶夜半令人

入館

殺之則慶之死爲金主使矣然是時哀宗方納

質求

和豈敢殺使招覺此乙未宿州帥重嘉努原

蓋元

人藉口以爲兵端也

重僧

稱國安用降遣因世英等封爲充王行省京東

賜姓完顏改名用安

攷異續綱目云安用旣得徐州金宿州帥劉安國邳州帥杜政

皆以

城降安用遂據三州蒙古帥額蘇掄怒遣將張

進率

兵入徐圖安用安用懼遂與徐州帥王德全劫

殺張

進及海州帥田福等數百人與楊妙真絕乃全

安國

德全因重僧努降金楊妙真屠其家屬走青州

金主

遣因世英封拜安用令主事常謹

表謝

後復與安國德全有隙所載較詳

烈恒

山公武仙鞏昌帥呼沙呼原作忽斜虎字仲德

月書前儀封令魏璠上言鞏昌帥完顏仲德沈毅有遠謀請奉命往召不報按前稱其名後乃稱其字致誤分爲二率兵自汝州入援命樞密使喀齊喀將兵人今不取

萬五千應之八月己酉朔進屯中牟故城辛亥思烈

遇元兵於京水

在滎陽縣境源出嵩諸山至鄭州入鄭川

遂潰走御寨時

思烈不用武仙策謂仙本無入援意左司員外郎王

渥諫幾被殺兵果敗渥沒於陣

攷異續綱目云初三

十萬屯留山汴被圍詔與色喀等入援仙至密縣東

遇蒙古兵卽按軍眉山店報色喀曰阻澗結營待仙

至俱進不聽至京水軍潰渥太原人令寧陵有治績

得內擢元奸問中州集字仲澤興定二年進士歷樞

密院經歷官權右司郎中中牟失利不知所終博通

經史工書法詩其專門學嘗被檄再至楊州制司宋

人愛其才有中州豪士之目顧武仙退保留山左監

奎光金詩選載其游藍田詩

武仙退保留山左監

軍任守貞死之喀齊喀奔還免為庶人籍其家賜軍

士本傳元兵退喀齊喀引為己功由是軍國事盡決其手初汴京被圍司諫陳奇上封事切直呼其名

為陳山可怒叱之皆竊笑及被廢降監軍長樂官

居汴缺缺不樂後為崔立所殺

戊午括民間粟尋罷復以進獻取之及賞官并買進

士第攷異續通考云金末括粟攔糴一切括克之政靡不為之加賦數倍豫借數年或欲得鈔則豫

賣下年差科高琪為相議至權油進納濫官則受空

名宣勅或與五品正官僧道入粟始自度牒終至德

號剛副威儀寺觀主席亦驚之甚而丁憂求仕監戶

從良進士出身鬻至及第叛臣劇盜之降無不激賞

加以王爵賜以國姓名實混淆國欲不亡得乎其弊

在鄙違機儉襲宋繁縛之文懲宋寬和加遼操切之

政故也所載較詳

戊辰起復侯摯平章行省京都路帥兵至

封邱潰還甲戌金木星交九月辛丑夜大雷工部尙

書

書富聶遜震死

原作蒲乃速一作范乃速誤今改正

於軫翼司天武亢極言天變上惟嘆息不之罪閏九

月己酉彗星見東方色白長至四丈餘凡四十八日

滅也何乃不先在北帝曰我亦北人今日之事我當

紀載於閏九月辛酉再括京城粟以御史大夫哈

昭點檢圖克坦伯嘉主之總領完顏玖珠以粟有蓬

稗杖殺孝婦於省門攷異薛應旂通鑑云合周覲復

石命爲參政與右丞李蹊主其事故令各家自實壯者

存石有三斗幼者半書其數門首匿者以升斗論罪

久住尤酷暴杖殺寡婦聞者盡棄其餘於糞溷中所

括不能三萬斛滿城蕭然死者相枕劉祁歸潛志云

主之者裴滿阿虎帶蹊官左丞掌財賦南京被圍坐

糧餉不繼免以侍郎張師魯代未言括粟事又云十

月下令括糧自親王宰相下皆留三月糧人三斗餘入官匿者死雖后妃家不免被罪者多蒲察定住尤暴杖殺無辜數人按哈昭一名永錫性好作詩詞語鄙俚人皆戲笑自草括粟榜文有雀無翅兒不飛蛇無頭兒不行等語書兒作而椽吏知之不冬十一月敢易也京城因目爲雀兒參政所載較詳

壬子京城人相食詔曹門宋門放士民出就食時左

司郎中錫默愛實以言事忤近侍送有司尋釋之

政異

續綱目云時京城人相食主出太倉粟食餓者愛實嘆曰與其食之何如勿奪爲奉御把奴告送有司賴近侍李大節救免本傳字正之策論進士官學士上言罷括粟則改虐政爲仁政散怨氣爲和氣不報又上書歷數時相非材多坐罷諫近侍權大重近侍泣訴送有司李大節救免改中京留守不知所終通鑑輯覽作瑪喇愛錫所載各異王戊戌王用安率兵至大節後仕元官補闕謚貞肅

徐州元帥王德全不納會劉安國與重僧努入援至



臨渙用安劫殺之攻徐州不下退保漣水制使因世

英還至宿州遇元兵死之

攷異安用傳淄州人名耀甫一作咬住本紅襖賊黨

歸元爲元帥歸金拜平章上遷蔡疏陳六不可因乏糧復歸宋爲總管與元兵戰敗走徐州投水死怨家

田福一軍脅食其肉立盡世英贈汝州防禦使宋史理宗紀贈安用順昌節度子國興授承節郎薛應旅

通鑑云十月金盱眙守將以城歸宋改爲昭信軍金以汪世顯爲鞏昌總帥初世顯以戰功爲征行從宜

分治陝西西路時調度窘迫世顯發家貲率豪右助邊鄰郡效之軍餉遂足主以忽斜虎爲總帥世顯同

知府事二人盡忠抗蒙古及忽斜虎勤王以世顯代之紀未載丙寅河解元帥趙偉

據陝州叛殺行省阿布哈努色爾

原作阿不罕奴十刺等二十

一人誣以反狀聞帝知其冤不能直授偉右監軍行

帥事尋歸元時偉屯金雞堡因糧匱恨左右司員外

郎李獻能斬之遂作亂殺行省而獻能被害尤酷欽字

叔貞祐間進士絳州錄事張升赴水死攷異元好問  
中州集時安邑劉祖謙字光甫承安五年進士歷州  
縣有政聲拜御史以鯁直稱終翰林修撰一時名士  
如雷御史淵李內翰獻能王右司渥皆游其門獻能  
河中人以省元賜第廷試第一人在翰苑十年文章  
行業過人處甚多事母尤純孝集中有贈王飛伯雜  
言及送其歸陽翟諸詩尤工飛伯名鬱大興人為文  
闕肆奇古詩歌俊逸汴被圍上書言事不報圍解笑  
出為兵士害詳卷三

十二月甲申詔議親出遂除

拜扈從及留守官庚子發南京

金史紀事本末卷四十六